

武備

府兵以其舊

屯駐上行于邊塞

行于畿甸而不及

之制而行之

于都司都

吳川縣志

非不善也迨承平日久

役積漸廢弛因以不

之吳川先觀察分守

而或不臨城亦何嘗不

道處之有方存乎其人焉

之天下不信然哉

國朝兵制

吳川初仍

卷



喜得直臣擢以不次爰授光祿寺卿馬遭時多  
故奸相賈似道擅權排斥忠良沮抑言願乞劾  
奏者皆置極典公以受國恩深不能進賢黜奸  
每與同列道及涕泗交橫學士許衡叅政江萬  
里輩共相推重及見時事日非方正不容不能  
自展乃見幾而作致政旋鄉雖絕口不言朝事  
然心念國艱時形夢寐每聞邸報知大勢已去  
未嘗不臨殮廢食也公器量淵宏名富貴不  
介於心而忠孝之性自然流露已歎廷獻轉勵

吳川縣志

卷之八

人物

又一

家修培嘗業興祠宇恢往緒庶孫謀以宋朝碩  
果之臣爲吳氏不祧之祖綜論忠孝萃諸  
當躬出處合乎先哲文章德業冠冕一時豈僅  
以登上第晉崇階闢吳陽之風氣已哉厥後奕  
葉繁昌科名蔚起盛德之報固不爽耳

李凌雲邑人生有淑質穎異能文及長厚且寡  
言以博學篤行舉于鄉恬淡不仕崇祀鄉賢

陳惟中字子敬宋寶祐四年進士知文昌縣景  
炎中端宗遷碭洲惟中轉餉至井澳將趨碭洲

元將劉深帥師來追張世傑前鋒稍却深縱火  
攻惟中與吳川司戶何時方朝食投箸而起親  
冒矢石俱被創力戰天反風宋兵亦乘上流縱  
火深兵始遁去

府志載何時撫州樂安人寶祐  
中文天祥榜進士以朝奉郎謫

吳川司戶與元  
將劉深戰勝之

陳子全惟中兄也以太學上舍爲廬陵丞景炎  
丁丑聞元兵陷臨安與主簿吳希爽尉王夢應  
起兵勤王復袁州元兵敗走已而湘部諸郡縣  
相繼陷沒子全中流矢死希爽力戰亦死夢應

### 吳川縣志

### 卷之八 人物

二

收殘卒趨永新圖後舉力不能支亦死廬陵稱

三忠立祠祀之

爽府志  
作爽

按通志載陳子全同時

陳子敬起兵江西應文天祥

疑子敬字  
惟中耳

元

按府志載張友明于宋  
疑卽宋末元初人也

張友明天性剛勇每以忠義自負至正九年海

寇犯合浦逼瓊山宣尉使檄四郡合兵討之時

化州路通判游宏道招友明爲先鋒會諸郡兵

艘追遁寇于海南澄邁之石瀾港友明窮追奮

勇部下無不一以當百俄海南番兵赴水遁寇

乘勝四合諸軍皆潰友明獨以孤軍倡宏道與石龍簿木蘄飛武德將軍廉州路同知羅仕顯從之決死戰援絕不支而死邑人祀之鄉賢

明

林廷瓛字公器號南峯世居下郭受業陳白沙先生登宏治庚戌進士初令永嘉開拓學宮興起斯文遷建昌府同知廉敏公慎未幾以內艱去士民建生祠以祀後補蘇州同知嚴革織造陋規大甦民困公生平篤志理學進退以義功

吳川縣志

卷之八

人物

三

名富貴淡如也以故不得大用無媿白沙高弟云子二長秉全孝廉次秉性明經

吳稟純號養吾居上郭以明經任感恩教諭賦性純孝制行端方時父母及太父母均染疫骨肉中有避匿者獨夫婦扶持左右治湯藥躬浣滌既而後先皆歿斯夕哀毀復值海寇犯境焚掠毅然不避喪櫬獲免遇饑寒覓升斗不以自私必分之昆弟初授高要訓導遷感恩教諭給貧士膏火謝絕脩脯講課勤懃崇禎間郡邑諸

生高其德僉舉鄉賢二子紹鄒明經紹洛儒官  
孫七鼎泰進士鼎元鼎和咸舉于鄉鼎美明經  
曾孫二十人士望舉人士甫士衮士霖皆明經  
簪組蟬聯人謂明德之報云

吳紹鄒字道宇感恩學博稟純子也生而穎異  
爲博士弟子屢試棘闈數奇不偶以明經終生  
平至行純篤父卒官哀痛幾絕扶櫬歸里不爲  
俗移殯于中堂撫弟妹咸盡力族人興化別駕  
廷彥宦歸自閩歿于羊城無子遺二妾爲經理

其喪籍其橐授之織毫不私子二鼎泰鼎元別  
有傳

吳鼎泰字葆中號陽衢性敦孝友執親喪哀毀  
骨立終年未嘗御酒脯少篤志于學垂髫試高  
等領餼萬歷己酉與弟鼎元同舉於鄉崇禎戊  
辰成進士初令江陰六年定條鞭公役米革官  
戶嚴寄庄禁脚馬繩羨耗且捐俸備荒沙田充  
餉移倉于青陽省遞運之費分校南闈網羅名  
士以脂韋弗工改調而去邑人德之建遺愛祠

于青場且據其政績上當事祀諸名宦焉調東  
明適流寇披猖設方畧守備有捍禦功調浙之  
龍泉清慎如素甫三月解組歸士庶遮留載道  
及歸里置祀田設義學助婚喪族人與里閭無  
不受其賜明經伯子士衮孝廉仲子士望季子  
士佳孫嘉祉嘉禧嘉禎皆列黌序祀邑鄉賢  
吳鼎元號仁衢鼎泰弟袁州司理折獄明允遷  
太平奉詔討河南寇設策勦撫渠魁李荆楚授  
首民獲安堵當事上其功晉順慶府同知未幾

吳川縣志

卷之八

人物

五

解組歸里崇祀郡鄉賢

吳一善改名應祥萬歷乙卯亞魁稟性端嚴澄

心嗜學不欺暗室廉潔自守惟以成就後學爲

懷七上公車不第母老家貧始授雷州徐聞教

諭之官手不釋卷好修如常事父母至孝臨財

以義課弟子以文行師嚴道尊兼以闢門鑿渠

改學建署徐之士誦聲至今不替惜天不假年

丁丑會試旅寓南雄寺中端坐而逝甫歿陞象

州知州

林有譽號匪溢髫年失怙母脫簪珥課學未幾  
母歿哀慕不忘矢志卒業領郡餼萬歷末歲薦  
初授湖廣靖州司訓適州以酷烈激變諸生競  
譟幾燬 聖宮公獨奮身撲滅義叱諸生乃罷  
去厥後悔禍繪象以祝焉直指薦疏云清怡粹  
品博雅宏才時已晉封川教諭五閱月以前刻  
章轉鄖陽衛經歷不屑簿領辭祿還里與子弟  
講學賦詩自娛有宦途倦飛二集林棊二十餘  
年長吏罕識其面邑令童公高其行以望隆通

吳川縣志

卷之八 人物

六

德顏其門郡守黃公朝英靖州人知其事深加  
敬禮嘗造廬焉

吳鼎和天啓辛酉孝廉事親至孝友于誼篤少  
年登第喪偶人有勸其續婚者毅然矢不再室  
生平篤志嗜學志期遠大竟不仕而卒

吳世紹孝廉廷彥父也父歿奉母竭力甘脆委  
曲承歡無何母失明世紹哀號而籲者窮百方  
言與淚俱以舌舐目周旋不離側一日樵于江  
之南聞母有暴疾弗遑待舟憑筏以涉忽爲陽

侯滅頂吳邑咸目爲孝子

李擅懿貢生三柏人也秉性孝謹持己端方時值兵燹寧死不辱竟被害

陳以類庠生居乾塘早失怙恃事繼母純孝母篤疾徬徨無措赴父墓前號泣竟日願以身代至夕夢中忽若父告之曰母疾得魚羹可救達旦入海遍求弗得望天號泣忽有白鷗啣魚而飛墮于前持歸爲羹母疾果愈他日母病嗜鮮蠔時盛寒解衣入水採取盈筐歸奉母病復愈

吳川縣志

卷之八 人物

七

里黨賦詩美之請于都諫李學曾聞之郡守陳公宏載擬薦于朝因謝事不果

吳龍庠生髫齡嗜學清介自持非公不至宰庭市井罕識其面萬歷間賓于學宮授冠帶

林引鳳正直不阿壯老一節姓名不掛訟牘萬歷間推介賓

吳日新庠生雅志清操行誼無忝于鄉評固邑之好修士也萬歷三十年介賓

張才賦庠生生平樸茂禔躬不越繩矩族善



賦能率先急公不爲俗移萬歷間介賓  
麥嘉光壯遊蠻序晚年隱居沉靜寡營處家勤  
儉與衆無忤稱潛德焉

吳人傑庠生性質恂恂始終以清白自守

林邦達庠生稟性樸茂不蓄機巧邑人之稱厚  
德者必歸焉

林時淳庠生內行純備恤二嫂教猶子成立扶  
植善類

林朝弼庠生居家克敦孝友處里開周及貧寒

吳川縣志

卷之八

人物

八

蓋今人而行古道者也

林懷仗義好施性負剛直有古俠士風

林愷性剴亮冲怡于世無忤且常周人之急

吳紹洛庠生孝廉鼎和父也持已嚴正訓五子

皆成立父卒于官奔喪哀毀致疾葬祭盡禮崇

禎間授儒官延大賓壽六十六閣老陳公子壯

有序

吳明宰庠生惇行無媿勉力報其嗣祖友于誠  
篤與人樂易教子義方

林永喬事父母以孝處兄弟以和且輕財仗義設粥賑濟常于白沙公子二渡具舟以濟涉親戚不能婚葬者每爲周恤以高年舉鄉賓邑人推重焉

林蘅庠生苦志窮經數奇不售以德禮持躬義方訓子多士樂從之里人咸稱高行年五十二而卒

吳貴增生行已謹懇設教方巖事親誠孝

吳夢顏庠生立心謹愿制行詳審凡公事身歷

吳川縣志

卷之八

人物

九

務期底績雙峯塔之建功居多焉前令周公推重

吳道中庠生坦直自矢仗義侃侃吳邑艱鉅之事多取決焉崇禎間舉鄉賓邑人咸稱不忝所舉

國朝

吳士衮貢生天性孝友好學能文年長當婚遭親喪朝夕哀毀有勸之娶者折以大義堅拒不從處同氣恩義俱至屬族黨惟廉恥是尙好

尙義瘞枯骨賑饑寒終身不倦順治十四年有  
司旌獎尙義數奇不遇士論惜之

吳奮第貢生謹厚持已和易與人因遷界產業  
悉廢甘貧如飴久厄名場困頓成疾年未艾而  
卒輿論惜焉

林玉瑩貢生博學能文父病腹結藥餌弗效力  
禱于家廟願以身代尋愈父歿事母盡孝卒後  
營喪葬痛哭至絕廬墓期年事兄友愛彌篤

吳士標廩生少失怙恃依祖父母盡孝好學能  
文葬父母至罄家食貧終身

林天秀廩生敦孝友文行丕著後進樂其教育  
鄉里仰其謙光稱古君子

林瑤植補弟子員父歿偕母避寇化州蓬戶蔬  
食奉養倍殷母卒絕粒數日哀毀踰常適風雨  
夜作屋茅盡捲零雨及棺乃解衣以覆衝寒成  
疾病亟顧柩未掩抱恨掩泣以逝進士周鳳來  
題其墓

李作楫廩生貢生孫虬子也溫文爾雅學行並

懋屢拔前茅試棘闈者五

林中桂廩生廉潔忠厚事父母孝處兄弟無間  
言邑人重之

歐陽鳴宗廩生甘貧守道絕跡公門師範嚴正  
邑人敬之

林全初郡庠生持已耿介訓子義方異母昆弟  
無間言甥孫幼失恃撫恤備至得以成立順治  
十七年舉鄉賓

林迺炤庠生九歲失怙母邱氏撫植迨長苦志

吳川縣志

卷之八 人物

十一

力學勵節敦行儀容莊肅見者避道

吳之瑋增廣生義以正己禮以訓俗勤學好問

至老不怠

瑋府志  
作瑋

吳鼎臣增生醇謹端方型家範俗凜然不可犯  
年七十八而卒邑人推其齒德

陳位中庠生世居流泗岸勁節自守族黨賴其  
維持邑令張公顏其門曰不媿太邱舉介賓

林孔昇廩生素性謙謹不以賢智先人講學課  
藝族黨賴其陶成甚多

李孫賢廩生事親行已不媿儒者生平不設機巧可謂篤行之士

梁登甲庠生幼失怙恪遵母訓義方教子獎掖後學子挺秀挺芳同入泮同餼于庠甲午同選拔嘗拾遺金不去俟其人還之

易經世廩生個儻負才畧少年親喪教養幼弟康熙十三年值兵亂條陳積弊皆切當時事

吳初錫郡廩生居家孝友篤志嗜學足跡不履公庭

吳川縣志

卷之八

人物

三

麥方惠廩生少失怙事母盡孝訓俗以行誼爲先卓然有先正遺風苦志力學數竒不遇人咸惜之

陳廷冠廩生敦厚樸直一生不履公門安貧篤學屢拔前茅而設教無私不計修脯士出其門皆有所成就焉

李九鼎庠生幼失怙事母至孝崇禎末爲諸生敦睦族黨輕財好施生平慷慨尙義言行足以服人康熙十八年海寇犯城結義勇保護鄉井

所全甚多邑令屢加旌獎年八十餘卒

陳憲教庠生孝友端方年踰四十不間定省嘗館于外有以時菓餽者必先上父母越日介返然後敢食兄憲輝至館必衣冠迎之居喪三年不御酒肉不入內室家雖懸罄酒如也

楊峻廩生性清介賦詩弄琴超然物外親歿撫育二弟雖成立後偶染恙撫摩備至二弟學業不進輒歸哭于親之几筵未三十遭鼓盆不復娶鰥居沒世焉

吳川縣志

卷之八 人物

三

林其翰廩生天資卓犖雅有胸襟爲文直追古人不囿于風氣嶺表聲稱藉藉所著有南海文瀾十卷藏于家

陳景濂號東海辛卯舉人苦志好學工文章與同時余鱗傑齊名太守魏公男鄭公梁深所賞識

楊元瑛字玉華號晴窓郡廩生瑚琳人讀書爲人詳載郡志性尤純孝事繼母如所生母嘗臥病躬親湯藥歷數寒暑無倦容迨母氏卽世幾

欲捐生後竟以此得羸疾焉嘗受知 高郵王  
豕宰人嘗以三千金乞公一言公慨然曰予行  
未孚於眾致人敢干以私自愧之不暇敢尤人  
乎因善謝其人以去公之勵行如此

梁挺茂生于明天啟丁卯居貧食力淡泊寡營  
年迨期頤精神矍鑠歿于雍正丙午壽百歲亦  
吳川所僅見者惜以家貧未及請旌

麥廷英庠生贈徵仕郎賜翰林檢討國樹之父  
生平孝友忠信雍睦親黨饒有萬石君遺訓

吳川縣志

卷之八 人物

古

麥國樹字柱臣博聞強記簡練揣摩一部四書  
題作文殆遍足不出戶庭者數十年屢試輒冠  
一軍 學憲王高郵以孝友端方特疏題薦  
恩准優貢旋登乾隆甲子賢書年八十餘猶上公  
車 欽賜翰林院檢討致仕家居而五經諸史  
歲必一過

吳國倫己酉經魁生平嗜學文藝優長設教數  
十載登賢書者多出其門邑人咸敬仰之

林宏朝字衮卿號渭淵秉性耿介自幼而嗜學

文章宗先正力黜浮華弱冠遊泮強歲中辛酉副車催授永安教諭生平澹泊寧靜聲色貨利不入其心而動必以正非公事不至公堂有子羽氏之風焉碩望久著于鄉邑 邑侯楊李二公疊舉鄉飲大賓至庭訓有方世濟其美子式僑式中並列歲薦孫文飛文捷食餼采芹

林闈階字雋升號雲衢丙子丁丑連捷進士家本寒素齠年卽自力于學能自得師後任山西靈石縣令居官甫閱月卽拂衣而歸閉戶日坐書巢中了無榮辱之色

吳川縣志

卷之八 人物

五

陳尹東字漸南號泗溪自少純篤克敦孝友刻志芸窓弱冠補弟子員壬申登賢書初署當陽縣知縣繼署武昌同知後署武昌知縣值湖水爲患公設法拯溺捐俸濟饑民賴以甦後又改教番禺三總兩齋一攝監院培養士氣德教旁敷不特一邑蒙化雨也二子長張元孝廉次張仲庠生

陳國成字秉均癸酉舉人爲人磊落不羈嫻于



吟咏分發浙江試用知縣 上憲一見卽以異  
才目之攝篆錢塘煩劇卓有異政紳民有時雨  
清風之目題補仙居未到任而卒

易宗亮庠生幼失怙事母色養兼至待兄弟友  
愛彌篤與戚友處八十餘年雖遭橫逆恬然而  
受惟以不爲善自責莊狀元滋圃爲文褒之

麥崇先歲貢順德訓導家貧克孝善誘有方前  
志經其手定闔邑咸以爲公

林紫雲歲貢任香山訓導生平孝友可風廉節

吳川縣志

卷之八

人物

六

足式舊當里長之艱難親屬咸賴其顧恤至秉  
鐸大邑勸課惟殷多士群沾雅化壽八十八而  
卒

林紫芝歲貢生任澄邁訓導篤孝嗜學好義敦  
行遷黌宮新文閣與修邑志亦有成績

林香賓字廷翼號雅齋天姿聰穎未冠入泮登  
壬午賢書生平倜儻好義朋友多賴以維持曾  
有某孝廉身故無嗣妻將改嫁公素不謀面卽  
捐金以贈幸存節義且假手旁人不以示恩爲

尤難焉司鐸增城僅一載終于官士論惜之子  
溥章鵬翀俱登賢序

房德勝字明高號宣一以侍衛任湖北遊擊署  
施南副將幼失怙性最孝每以王事靡盬不遑  
將母爲心歷仕途四十載紫誥三頒而孺慕之  
志弗衰迨解組歸田壽八十二公雖以武顯而  
雅好儒術子貴綬食餼于庠能承父志焉

易中號梅溪武進士官授京塘雖身列武班而  
耽志詩書雅歌投壺意弗尙也凡梓里同寅中

吳川縣志

卷之八 人物

七

有厄于京邸者恤之如至戚闔邑共仰其高誼  
子三業富高飛連標皆武孝廉孫演河文庠洵  
爲一門濟美

陳偉論庠生與弟偉觀幼失怙性至孝以祖父  
母與父窀穸未安奔走號泣夢老者命葬于文  
曲嶺至山果見老者指示穴處如言開鑿有大  
石平坦容三棺葬畢回顧老者倏不見觀者咸  
駭異爲孝感云

鍾錫豪正直謙和事繼母能得歡心撫孤姪如

己子歲荒常竭貲賑濟助婚葬之不逮者至于捐嘗田建祖祠尤爲敦宗睦族之誼焉

鍾漢國學生幼失怙事母以孝聞母偶有拂意之事必長跽慰勸色霽乃起遇母病輒終日不食惜年僅五十而終未竟其志也生平和兄弟睦鄉隣人無間言又其餘行

陳宏功庠生孝友勇敢康熙初流賊時肆劫掠倡率捍禦族賴以全三子仲梓陞季梓棟俱以明經司鐸

吳川縣志

卷之八 人物

六

吳霽雲歲貢生好學能文義方訓子每歲延師族內有貧而不能學者邀而就讀丙辰歲荒發粟賑濟沾其惠者甚衆

林榮陪貢生博通經史教育門徒不受修脯前修邑誌亦與其事焉

吳若宗字公傳號魯堂歲貢生清心寡欲矢志學文幼失怙而恪遵母訓奉寡嫂而產業不爭蓋所謂廉介樂善士也

吳元功字敏子號健齋庚辰 恩科舉人處豐

履厚而謙冲之氣藹然可挹凡吳邑義舉無不  
捐貲倡首諸如救貧濟饑施棺掩骼之事不可  
枚舉 上憲與邑侯疊旌其門人咸目爲長者  
云

李培字材因號果齋恩貢大埔教諭自幼失怙  
事母始終克盡其道生平謙恭樂易周恤鄰貧  
秉鐸名邑不受脩脯羔雁而化雨春風至今猶  
在人耳目間也

林叔溪恩貢生敦行好學理解融徹遊其門者

吳川縣志

卷之八 人物

九

咸仰之如泰山北斗卽鄉里平常之人見之者  
莫不加敬焉

楊嵩字伯岳號柱中瑚林人樂會縣訓導姿性  
豪邁人不敢干以私遠近士民有疑事而不決  
者得公一言立判家素豐於貧乏兄弟饑寒友  
生有求於公者如欲以給尤孝於事親及父母  
歿葬于雷陽每月必往省視有終身孺慕之風  
享年八十有六

林大華歲貢催授龍川訓導爲人廉靜寡營英

炎卓犖博通經史誘人不倦遊其門者類多名士焉

吳元方辛酉武舉髫年遊泮壯歲鷹揚賦姿篤厚持己端方人當急難則解之族有大典則倡之亦士之善者歟子三漚川武舉靈川光川孫一材一榮皆武庠

李雲登字天簡號健菴正貢生學問醇正師範端嚴負笈從遊者每年不下百人鄰里鄉黨有曲直未分者無論尊卑長幼得公一言無不帖服雖婦人孺子亦無不知有天簡先生也

陳抱廩貢生生平孝友輕財仗義凡事關風化者力肩其任如建文場營祖祠送學田皆文教中之美事焉

李本卓歲貢生文章古奧屢試前茅五經四子之書研究數十年晝夜不疲確有心得作有學庸論語註解未竟而終士林惜之

林仲律庠貢生好施樂善見義勇爲移建縣署開文明門爲力居多乾隆戊戌己亥兩年吳邑

大旱餓殍相望日爲粥以飼饑者傾囊不足稱貸典產以繼人多賴以全活云

黎綱字應五號古愚歲貢生清貧力學至老弗衰學庸一書體認精切先儒語錄無不融貫通曉邑中名士多出其門

吳靜歲貢生賦性良善淡泊寡營事繼母能得其歡心卒歸于慈愛友于諸弟白首無間言楊邑侯舉爲鄉飲正賓自以爲有愧卒力辭之年六十有四易簣時對子孫族人猶諄諄以忠厚爲囑

吳川縣志

卷之八

人物

三

李中立字介夫號強齋歲貢生溫厚端方尤重孝弟父赴省考貢卒于旅邸匍匐扶櫬而歸苦志力學自壯至老手不釋卷邑侯李公舉充鄉飲正賓享年八十有八

陳孔誘歲貢乳源司訓生平嚴正宅衷廉隅勵俗其事父母也兩堂奉養無間人言且性喜恬靜寡交游耻苟得惡奔競不愧老成典型焉

林傑歲貢生平孝友端方疎財重義族屬孤貧

資以廩食性好讀書塵視金玉父遺金數千盡以與弟爲烏程縣縣丞京費有正直君子之風黃定中庠生公正任俠凡吳邑有大興作艱鉅難勝之事無不一力任之排難解紛若出天性歿後各族縉紳先生誄之者衆

吳若益 貢生公道爲心事多仗義遇邑中建造饑饉事咸樂資助陳邑侯顏其門曰惠遍親倫

吳元文 貢生尊師重道教子義方凡遇歲饑

吳川志

卷之八

人物

三

不惜發粟以濟至族中建祠常捐金以助焉

陳介行庠生事親以孝聞設教里黨雅意成就後學有清貧者不計其脩脯焉

易鵬增生苦志詩書教誨子弟凡遇梓里爭鬪必親以理排解合族舉爲族正壽八十有五鄭良邑正貢生貧而好學會舉鄉飲大賓與修邑志此真廉靜士也

黃殿宣邑庠孝友性成父沒遇生辰諱日必痛哭而奠兄弟至老不分居甘貧嗜學訓子義方

亦肫篤君子也

李存性事父母以孝聞母葬九

漲廬墓守視至於歲饑賑濟又其餘事耳

陳就虞庠貢生少孤貧奉母至孝友愛兄弟人

無間言嘗傾貲以保祖墓絕無德色族黨以義

懇見推

梁炤庠生職授州司馬多財樂施凡遇歲荒每

爲減價以糶邑中義舉必捐貲倡首戊寅大旱

縣發常平時公僑居博立目覩時艱特請 邑

吳川縣志

卷之八

人物

三

侯楊公運米至庄并代爲輸發處置得宜南一

二畝所賴以全活者皆公之力

李時芬庠生秉公守約富貴貧賤視之如一室

如懸磬而舌耕所得反以給貧士膏火之資

林東藩庠生秉性醇篤孝友端方而親屬之窮

乏者亦賴其扶持有古君子之風焉

陳而兆國學生性成厚樸簡靜居心戊戌歲饑

捐囊周濟曾經 李撫臺顏其門曰任郵可風

麥鉉郡庠生存心溫良待人公正教家訓俗息



訟解爭饒有古人風範

林邦瑞字文玉號美田國學生賦性坦易不立  
崖岸而義之所在不少假借與 邑侯張公交  
至契而始終未嘗一語及私劇爲所器重子泰  
雯爲 王公延主義學嘗戒之曰教讀乃士之  
常若借此以作干請計吾所不取其子亦守之  
不衰

李高梓字翰柱號拱南國學生以子珩布政理  
問贈儒林郎質直尙義樂於施與常揭金倡建

吳川縣志

卷之八

人物

三

梅棗社倉貯穀防饑諸如建祠立嘗尊師重道  
無不得大體

孫系曾字受一號統萬國學侯銓縣丞爲人仗  
義族中貧不能娶孀不能守者皆給以田產并  
周卹鄰里捐資成美臨終焚券諸美舉洵有君  
子風焉壬申三子錦鑑鈞同進黉宮論者謂厚  
德之報

鄭嵩號常修國學天性肫篤事父送死有昔賢  
泣血三年未嘗見齒遺意至傾已囊以濟凶歲

飢寒助膏火以教族中子弟其行皆可以砥礪  
末俗焉子五子瑛候銓縣丞餘俱邑庠國學  
楊樹松歲貢生字四榮家貧嗜學秉性簡厚母  
逾九旬而孺慕不忘口織之資亦公諸昆弟焉  
李自蘇國學生候銓縣丞懷懷仗義和睦鄉鄰  
冠婚喪祭凡有不足者必爲之資助云  
林大參貢生言行謹篤善事父母其母患喘常  
不能寐全妻陳氏日夜扶持及歿執喪誠慎族  
中有貧無以爲葬者輒助之不能娶者捐貲完

吳川縣志

卷之八

人物

五

姻其高義如此

林祖德增生髫年穎異能文弱冠卽受知于  
惠學憲淹通經籍潛心理學手抄左史暮年不  
輟奉侍父母惟謹父有疾不解帶以待藥餌歲  
飢平價發糶房親貧之者尤加意賑恤焉生平  
敬師儒篤友誼修身訓子洵足克紹南峯前徽  
云

林長蘇郡庠生孝友端方溫恭恤物 邑侯楊  
公曾舉鄉飲介賓

吳國芳字仲香號蘭菴性最孝凡服勞奉養皆  
真心流露非襲儀文讀書務法前賢作文力追  
先正恭以持己恕以待人德厚學深不遇於時  
蓋無意於名利者也

李自暢字克茂號燕堂貢生早歲失怙事母孝  
謹終身如一日母歿哀痛欲絕祭祀必盡其誠  
設立家塾延師訓子數子皆蜚聲庠序元琳孝  
廉人皆以爲盛德之報

林復瀚字通漢庠生幼失怙恃哀毀欲絕事祖

吳川縣志

卷之八 人物

三

母得其歡心撫兩幼弟幼妹友愛異常兩弟故  
多病破產以供藥物日泣父母靈前願以身代  
兩弟相繼歿哀鬱成疾逾年而卒子懋修拔貢  
生懋昭庠生

麥國棟增貢生英風卓卓智畧過人弱冠遊泮  
公正果決鄉黨敬服人咸以趙清獻王彥方擬  
之

林序綸監生候選衛千總稟性孝友齠年失怙  
事母極盡孝養待異母弟兄雍睦無間鄉黨有

困乏則恤之無遺力壯年而歿人惜之子日贈庠生

鄭輝庠生持已恭事親孝型家範族有先正風且輕財仗義建宗祠營祖墓終身未嘗疾言遽色子孫繼美無非盛德之報云

李菊苞字果琮郡廩正貢少失怙事母至孝國初海寇爲累携母逃竄得粒食悉以奉母自忍飢晏如也遷居中街苦志力學持已恭慎決事以義當道多引重焉

吳川縣志

卷之八 人物

三

李冲漢字爲章歲貢生海康訓導經史子集無所不窺尤究心理學秉鐸海康邑振興文教凡訓生徒必語以宋五子之學焉

林在鎬郡廩生幼聰慧能文屢試優等雖童稚與語必盡其誠蓄蒸嘗建祖祠一人之力居多李若香字叶伯號泮齋廩生孝友天成行誼不苟少聰穎九歲能文生平以聖賢自責嘗自言曰士子讀書所學何事雖不得爲聖賢路上人亦當向聖賢路上走今觀其文皆真性磅礴洵

不愧其言云

吳晉字用錫邑增生稟姿穎異賦性淳良弱冠採芹耄年嗜學生平孝友克敦一言一行皆爲鄉黨模範而苦志上達十戰棘闈數奇不遇

吳元起庠貢生字喜子號一堂養敬祭誠孝友無間於人言生平嗜學七戰棘闈寄情詩歌會屢薦鄉飲大賓凡遇邑中興革大典無不竭力以勸厥成焉

陳式東字法南貢生秉性孝惠執親喪哀毀骨

吳川縣志

卷之八

人物

三

立乾隆戊寅年歲荒出家資賑濟貧乏族黨賴以全活者甚衆

李慕相字任卿號枚卜郡庠性敏悟善屬文爲人孝友端方弱冠遊泮家貧親老辛苦奉養極得歡心至宗族義舉身肩其任一鄉賴其維持者十年

孫鈞字秉五號簡菴郡廩敦孝友崇節義慈良易直常存濟人利物之心捐資督修塘菜橋使往來無病涉而行人共沐其澤焉

吳時著幼而好學因家貧廢書服賈事母至孝  
性好推解

李元果貢生性醇厚事父母能孝待兄弟以和  
尤好施與戊戌歲飢發粟賑濟 臬臺顏其門  
曰爲善必昌

楊體乾字美中號霞侶逸叟也明嘉靖年間由  
東莞遷吳川瑚琳鄉好施與矜孤寡族黨佃戶  
感其恩惠不舍忍去從遷者三百餘人公皆助  
資斧至今猶食舊德焉創立義田祭田以垂永

吳川縣志

卷之八

人物

三

久子謙出歲貢任增城教諭後之人文繼起簪  
蟬聯皆公肇其基云

楊甘來字衍九號快生瑚琳人任雷州府教授  
竭已救人能化強暴時寇盜擾攘公與長男道  
行設策連結鄉民互相保救由是賊不敢犯鄉  
里德之生六子三博士三明經其六子志行任  
新寧訓導 勅贈公文林郎享壽八十二而終  
楊志行字貞簡號麗巖任新寧縣訓導秉性剛  
直友愛性成尤愛惜人才自子姪以至友生誘

掖獎勸曲意玉成嘗躬耕北三地時四鄰叠遭  
水殃公詣 邑侯乞緩征以甦民困一方受惠  
焉

楊舒泗字杏源號鄒山職監生賦性溫厚恬靜  
自持雍容樂易與物無忤嘗自謂於法不敢擅  
出於創於俗亦豈盡隨於因尊崇祖訓叅酌時  
宜咸得其正一時共推爲長者至其建嘗田設  
義學屢行賑濟尤懿行之表見者

楊祖望字副瞻號蒿亭邑廩生楊元瑛之長子

吳川縣志

卷之八

人物

三

也性高潔讀書爲文卓然成家年十六肄業高  
涼作有高凉山諸記爲當時名宿所賞不幸怙  
恃早世偕兩弟苦志勵學故能學問純粹如此  
易若思丁卯副榜事親至孝奉後母甚得懽心  
待寡嫂撫孤姪恩義兼盡生平輕財重義樂施  
予教授生徒善誘有方族黨戚友翕然稱之

吳邦卿貢生號敏菴幼失怙與兄邦倚事母楊  
孺人孝敬無間及兄沒撫姪如子卜葬祖父母  
幽宅盖克敦孝義如此

陳道源字會中流泗岸人遷居城內理學正宗  
得關閩濂洛之奧爲諸生願學案器重之帶隨  
棚閱卷卽於是科選拔廷試後歸家開戶讀書  
偃室罕至教授生徒名士多出其門任大埔教  
諭栽培士類有胡安定遺風滿任告休合邑敬  
仰事關名教者得公一言無不悅服真老成典  
型也

吳動號淺溪邑庠生少聰敏績學能文外詩詞  
書畫無不兼長稟性端肅雖盛夏而衣冠必正

吳川縣志

卷之八 人物

三十一

雖闔室而瞻視必尊與伯兄鎮峯先生主持  
事建祠存嘗皆親經畫至誠感人能化頑悍故  
當其時合族無隻字入公門者蓋有陳仲弓王  
彥方遺風卒已數十年族人每爲道及猶肅然  
起敬云

黃德屏字遠瞻號泰堂生平誦法程朱品行文  
章重一時以高才生中乾隆癸酉科拔選廷試  
後以貲授貴州平遠州知州居官務德化值苗  
匪倡亂公單騎深入開導其酋長感誠縛爲首



以獻得從亂名冊竟焚之存活者以萬計王高  
郵大人贈詩有常以母心懷赤子不將官面對  
蒼生之句未幾以前官事落職且丁外艱而倉  
署適遭回祿罄產填補家遂貧而性甘淡泊益  
潛心理學事母至孝依依孺慕庚寅年戚友勸  
贈入都祝

皇太后萬壽復六品職銜隨丁母艱服闋後降授縣丞  
初補南滙繼調常熟官降而行益高處貧而節  
彌勵百聞公廉明皆趨走質訟縣貳例不授

吳川縣志

卷之八

人物

一十三

事公諡弗去隨事剖析民皆悅服來者不絕  
公亦弗能禁也常熟投牒有官錢爲硃墨費公  
曰是何足污我大署票尾曰本衙不收陋規役  
卒無所得多棄役散去由是以器量人品見知  
上官皆曰丞簿中安得是人調署嘉定令檄下  
以病終常熟署不能成殮士民如喪父母醵錢  
者響應巷歎路惜而士夫嗟悼有不知其所以  
然者常人至今感德立傳常昭縣志設位崇祀  
名宦焉

陳聖宗字統姚號芷江生有殊質讀書目下數  
行經術湛深會墨三藝取材一經場中僅見登  
乾隆庚子進士事親孝與士信三從弟聖宏少  
失怙恃公之父母撫養之及長家貧生計復拙  
公竭力攜持愛若毛裏官惠州教授時慮宏不  
贍撥租六十石飲其薪水俾無塵甑憂其篤於  
友于又如此子二人長文瑞庠序有聲當道咸  
以大器期之

陳張元 肇發號春林性孝友少失恃寄養於

吳川縣志

卷之八 人物

三十三

族伯德 家十歲始歸就傅及父泗溪任番禺  
教諭獲公之任親課之公少性善睡泗溪啣臂  
致警及卒每撫摩齒痕未嘗不泫然流涕事庶  
母及異母弟鄉黨無閒言公體貌偉俊性篤而  
志大文章宗法史漢渾浩動盪力掃浮靡弱冠  
補博士弟子員丙午登賢書三上公車不第乙  
卯大挑一等分發關中署孝義川軍民府撫民  
同知秉正不阿以案忤上憲適教匪倡亂官軍  
進勦檄公解餉欲置公於死地得倭藩臺調護

借補廣積庫大使時寇氛未靖軍儲浩繁設軍需局以公主其出入公禁絕陋規絲毫不染以此得廉直聲上憲無不器重歷委署沂陽涇陽等縣事愛民如子留心學校民論翕然循聲大著溫藩臺以卓異薦逾格資迭引

見部銓福建安溪縣知縣安溪僻處窮山地寫民悍素稱難治公以德化之聽斷如家人不尚刑法而剪除克橫猶具風力邑有巨猾案纍纍莫敢誰何公法鈎拏擣其巢而置之法合邑肅然

吳川縣志

卷之八 人物

三古

望風悅服齋厨屢空或日一舉火泊如也郡守王紹蘭悉心推獎目爲廣東名士後以大吏巡邊偶供給弗備怒填計典左級罷職公私交迫疾病滿室典質旣盡民爭投以薪束茶把王太守聞之每月致以銀粟并諭屬僚供薪水公處之恬然詠歌不輟蓋公之志識大故世之升沉菀枯不足動之也後二年卒於泉寓溪民爭致櫬資乃得歸葬公以經術飭吏治雖溫溫未竟其抱而論者當卽其已然想未然



李健榮歲貢生少孤事母以孝聞家貧力學  
有異質讀書日下數行博學能文弱冠卽見賞  
於鄭學憲目爲渥注神駒少年英姿卓犖及數  
戰棘闈不第絕意進取築別業於章棟屏跡城  
市以圖史自娛心齋坐忘涵養純粹人罕見其  
喜愠之色後從遊日衆及門多知名之士世稱  
棟山先生

林紀蘊字周材號瑞齋天性純篤父母兄弟之  
間竭誠盡禮宗族無間言凡是躬涉世皆真性

吳川縣志

卷之八 人物

三十五

流行絕無絲毫世居附郭而杜跡公門讀書自  
樂未冠補博士弟子員旋食廩餼所爲文根本  
經術不拔時好故二十一戰棘闈不第庚申以  
明經科授廣文職初署陽江卽留心學校以作  
養人材爲己任學內有以訟爲縣移革者公悉  
其情力持不可縣始終而終敬之及罷生旋傾  
城祖餞張懸江化雨大旗以贈公行雖猾胥橫  
卒無不歎息於路嘖嘖稱好老師迨司永安鐸  
接工以禮五載不阿取一贊兼掌書院教立規

以課寔學復請於縣增其膏火士論翕然公  
送玉山珠海匾於學署顏其德又贈以聯有茹  
化雨桃李春風之語此以見公之德感人者  
飛也子孫數十人科名雀起咸推盛德之報云  
士忠字誠卿號璞山甲子舉人少聰穎稍長  
文譽諸生時秋農姚提學蒞鏡杜大守爭以  
且學相器重然性耽鴛傲偃室罕至邑人以是  
直其守迨事母及本生母承顏養志得其歡心  
胞弟兩人妻難自給分館金以資膏火謀生理  
以一病而終聞者扼腕

吳川縣志

卷之八 人物

三十六

垂二十餘年無吝心蓋其老友之寔發諸天性  
者摯也丁丑大挑一等簽登北直里門需次竟  
戾士升本營把總督力邁衆智畧勝人嘉慶辛  
酉防守麻斜汎海寇突擊幾陷守陴皆哭升奮  
勇衝擊屢轟大礮以挫寇鋒危而獲安寇怒率  
舟叩大至四面受敵士卒驚潰升諭以大義慷  
慨警衆檣下沙灘擊賊束沙堡以自固賊計  
窮乃潛遣人登岸稜村民中升方率衆放礮賊

邊自後刺之解其屍從兵張天德與其難士人感其烈齊集環守賊終不能逞而退現祀郡昭忠祠

林春澤康熙乙酉舉人湖北黃安縣知縣少負異質讀書過目不忘年十五已熟文滿千極見賞於陳景濂先生鶚薦時年纔十九論文與闈中不爽銖黍及知黃安潔已愛民刑清政簡上游方推薦而公請封後卹捧敕歸而娛親家居杜門戲綵依依孺慕敦宗拯厄善事尤多

吳川縣志

卷之八 人物

三十七

晚歲精岐黃之術能以至平之藥醫三奇之疾救人無算乾隆乙酉重宴鹿鳴後再壽十年而卒洵

熙朝人瑞也

黃仁號峯上龍門都司九齡失怙事母極孝因母苦節志切瀕揚業儒不遇迫而從戎冀以祿養在官輕裘緩帶吟咏不輟有雅歌投壺風焉請封後卹告歸優游林下十餘年子四人皆能仰體公志友愛敦篤次子翼夫候選衛千敦

本行明大義創建家廟特享公而佐其成者公之四子秀夫也秀夫號建齋少攻儒術長貢成均父晚得足疾臥床六七載扶持按摩始終不懈素善治生而義利之辨甚嚴嘗有某寄金數百猝卒子尚未知公奉而歸之子乃驚謝秀夫曰士縱不自好何至没人遺金臨財不苟如此若賑宗族周貧乏義所應爲必盡其力中年喪偶以有子不再娶旁無媵妾獨臥半生清心寡慾亦人所難七旬壽誕長子文才肄業太學瑚中堂聞其事特製序祝之馮太史魚山題其像詩載藝文

李郁字文山歲貢生天姿英敏績學能文十八遊泮連科食餼屢試冠軍擢優等者十一次戰棘闈者十五科經義淹通制藝醇正友教數十年摠以踐履着寔扶持名教爲主真老成典型也

易端一字道沛邑增生天姿肫篤事親色養備至處兄弟和而有禮視躬甚嚴片言不欺細行

必謹至名教之事猶所勇爲合族稟決四隣景  
從張邑侯舉爲都正自少嗜學老而彌篤迨十  
戰棘闈不售延名師以教子姪作養裁成不遺  
餘力今子孫多列膠庠皆詒翼之報云

林世憲號鶴野歲貢生任肇慶府學訓導少失  
恃事父以孝聞父渾菴任香山學公以父年老  
隨任不離左右能承其志同異母昆弟八人友  
愛均一性聰穎博通經史以累戰不第素鐸端  
溪培士氣扶名教捐膏火學校之功甚偉公有

吳川縣志

卷之八 人物

三十九

請封後卽休致生徒相與祖餞依依不捨多  
泣下者宦囊蕭然不以介意歸而絕跡公門訓  
課子弟之暇手不釋卷長子香賓已領鄉薦次  
郡增生居有尚幼公手錄儒先格言朝夕指示  
以返已自修根本篤實之學至若存嘗睦族解  
紛賑乏族有大事得公一言卽頑梗之夫無不  
樂從壽八十有五今子孫廣文繼世書香奕葉  
入共推爲世德未艾云

陳秋潤字時實少性肫篤讀書刻苦自勵弱冠



時隨父庠貢生素蘊往外戚乘舟返里中流父  
失足落河一時倉卒無措赴水救父遂致同溺  
其僕馬保見之亦赴水救之不起夫從井救人  
聖賢不取謂其傷生而無濟也然父子天性一  
且變起倉卒若爲之計利害遂坐視其父濡首  
擲足輾轉於洪流中卽痛哭呼籲於心安乎心  
之所不安而懵然以身赴此實發於天性最初  
一步若一轉念則私意起而真性隱矣自古以  
臣死君以子殉父彼豈逆計其事之必濟哉亦

行其心之所安而已故公之孝人以為愚我以  
爲純至馬保亦能以僕赴主之難其分雖殊而  
發於心之所不能已則一也後厥配李孺人卒  
能守節立姪太學生敏本爲嗣忠孝節烈萃於  
一門何怪孫曾之食報未艾哉

林邦瑞號澤軒歲貢生性敏識卓讀破萬卷弱  
冠食餼後七列優等兩薦棘闈文名藉甚與族  
弟雋升公齊名程學憲試高涼得公卷擊節歎  
賞决意選拔命隨行訓課及返高聞母病奔歸

視母及母愈返郡竟誤科考雖准補考附一等  
已不能違例選拔程公歎惜慰藉公怡然不以  
介意此可見孝思之篤亦可見素志之大矣後  
竟以明經老乃以一經授其子旦峯旦峯名卿  
雯邑之名增生也少而穎異能讀父書事親之  
孝與士之信臨財之廉及績學能文亦兩薦棘  
闈皆與公無異惟公曾襟豁達似狂旦峯志節  
謹嚴似狷旦峯嘗爲丁邑侯推重邑人結訟者  
以百金求其一言不可可概見矣且旦峯精於

吳川縣志

卷之八

人物

四十一

醫不論貧富不避瘟疫活人無數今其子錫爵  
已捷賢書可以售二公未售之志也歟

林爲岡邑增生恩貢生叔溪之子也夙承庭訓  
能讀父書累戰棘闈薦而不遇苦志力學至老  
不衰晚歲涵養深邃德性堅定人望而敬之爲  
族正十餘年鄉無訟牘里鮮澆風皆其正躬率  
物所致至今父老猶稱誦之

李石城郡庠生少年嗜學歷戰棘闈天性孝友  
人品端方凡事關名教者必力爲主持張沈二

邑侯舉爲族正族中有疑不決爭未平者得公一言爲定遇歲荒傾囊賑濟有大典必率先倡捐每年延師族黨中有貧乏子弟必勸之入塾資其膏火蓄書建祠不避艱苦合族德之故公沒之日立其主配享太祖勒碑誌美以其子兆龍就職藩參 敕贈公爲儒林郎

黃敏脩丁酉拔貢中己亥順天副車明敏剛毅少而孤四弟均幼友愛敦篤弟有過失誨之不聽輒焚香父前哀泣引咎務使弟感悟改悔而

吳川縣志

卷之八 人物

四十一

後止弟犯奇疾已無生理公日夜泣禱精誠所感卒能保存爲諸生時總役某恃官寵子欲就考公以辨別流品力陳不可初忤邑令終以剛正敬之霽顏謝過邑有學田爲豪者漁奪公力爭使田歸義學以贍膏火親戚單寒提攜保護始終不懈其見義勇爲百折不撓至橫逆之來旁觀代爲攘臂公又以一笑置之選拔後肄業太學諸先達見其丰采共相推獎樂與之遊及克四庫館謄錄議叙學博竟以疾卒於京邸同

鄉陳觀樓馮魚山兩太史經理其喪倡捐扶櫬  
不崇朝而金以千計因得歸葬其感人之深如  
此真名教中之干城也惜未展其才

林樹兩字植中邑增生品質淳篤祖父俱享壽  
九旬公能承顏養志使怡然忘老母癯癭腫潰  
吮膿嘗藥衣不解帶待兄弟族戚情誼敦篤家  
貧嗜學至老不厭爲文力崇正軌十一戰棘闈  
不遇教授生徒加意培植不責脩脯他如建祖  
祠造橋梁贈金化盜至今父老猶樂道之

吳川縣志

卷之八

人物

四十三

李元琳號藍田巳酉科舉人海豐學教諭迺貢  
生自暢公之第七子也雙親高壽公舞綵承歡  
及親沒生忌日雖在外亦不與宴會退處飲泣  
數十年如一日也兄弟八人列膠庠者七互相  
師友每歲時伏臘聚首言歡路人歎美鄉薦後  
友教四方遠近雲集門多俊彥文可雕龍才堪  
展驥而宓琴未御道鐸先沉士林悼惜

黃文才號質菴廩貢生國子監肄業高要順德  
儒學性體肫篤厚重寡言少失怙事父貢生建

齋能承志於形聲之先母故後父不再娶及公  
中年失偶亦鰥守終身友愛其弟共爨數十年  
家事皆委之一無置問性好讀書手不釋卷經  
史外旁及河洛理數能扶其輿在國學十餘年  
陳觀察觀樓馮刑部魚山皆器重之生平敦氣  
誼喜施與真足寬鄙敦薄云

吳貞爲號田時正貢生自幼卓犖不羣弱冠餼  
於庠廩擢優等連出薦房試文出當道競以巨  
手相推乃鄉閭叠躋識者浩歎公淡然也性酷

吳川錄志

卷之八

人物

四十四

嗜朱子之書凡誕弱教人一以忠信篤敬爲宗  
家貧被徒遠方自甘藜藿而甘脆之奉於親者  
罔缺或父母偶疾未及聞信已必心動倍道旋  
家乃爲調侍晝夜無倦有祖遺嘗遇一功服之  
尊者欲祈而分之公苦勸再三料其難轉捐囊  
以濟其急嘗賴以不廢生平正直不阿廉介自  
守品醇學邃而孝道爲尤著焉子四人次文中  
副榜餘皆蜚聲庠序

麥實發號疑圃戊午舉人生有淑質少而岐嶷

其父方山公愛憐之方山名瑛郡之增生孝友性生數月失怙恪遵母訓出言舉足履薄臨深雖壯年遊泮不忍遠離杜門娛親一經訓子故公少依二人之側深愛婉容少色笑遇母有疾衣不解帶累月老執父喪食蔬飲水至性所流其來有自酷嗜古籍自束髮受書至老手不停披經史性理諸書背誦不遺時推行厨秘書爲文力崇正軌清真雅正不涉時蹊再試禮部薦而不售歸而養親友教從遊日衆咸奉爲文

吳川縣志

卷之八

人物

四十五

壇圭臬云

潘翰字准東南澳鎮總兵七歲失恃事父與繼母愛敬無違家本貧寒慮無以供甘旨年十八奮志從戎真以祿養乾隆三十年由龍門協外委以年壯技優熟悉水性洊陞至閩浙督標水師參戎值臺匪叛據奉委帶領南澳銅山二營弁兵赴臺進勦衝鋒破敵前後奏大功五十三次加賞甚厚緣王將失機被困諸羅城中三月力窮糧絕外援不至羅雀掘鼠之後至食樹皮

蕉根士卒餓死如積守陣皆哭公日夜巡視以大義鼓勵衆志僅而獲存大兵至日吉制軍親執其手獎藉再三與公結爲兄弟隨奉命駕船出洋堵截餘黨時賊棄城歸公尚衆公深識水性每踞上流發砲摧堅多建奇績平臺後矜恤流民察其實心向善者准其投誠存活無算班師奏捷陞福建澎湖協副將旋丁父及繼母憂哀葬盡禮讀禮六年杜門掃軌睦隣周急捐俸助祀修譜辨宗訓子裁龙之外不聞外事

吳川縣志

卷之八

人物

四十六

禫滿以原職補授香山副將禁革陋規整飭軍實俱有足跡隨石虎門總戎功列水師一等陸見

欽點鎮守前汛總兵任後上疏謝

恩恭叩

聖安蒙

上特賜敕命一道欽奉

殊此有鍊兵整伍諸事用心莫圖小利有勞爾問順問爾好之諭獎如此公益加奮力冀酬

國恩督兵禦寇設法衛民任重事繁憂勞致疾革  
時傳中軍各弁至歎曰洋匪未平死有餘恨公  
等忠心戮力勿負

國恩言畢而終不及家事年六十其子汝渭

現任閩安副將是官清勤亦有父風

易紫鈔亭邑增生孝友溫淳守父賢一公

邑庠生遺教日與其兄歲貢生嘉應州訓導業

鎬公諱學手不釋卷未嘗問家產砥節礪行互

相師友及十戰棘門不第乃聚徒講學友教鄉

### 吳川縣志

八人物

里循循善誘至老不疲多所成就長子義成廩

生次文斌鄉貢咸稱爲家學淵源云

註 子德謙太學生幼失怙嘗依倚於母側

聞人過下入事必涕泣不食及母卒泣血絕粒

如執親喪後遇誕諱滿物飲泣至老不衰延師

卜葬不惜重資待兄庶生光居自其意分爨

時盡推其所置產與之兄老得癱疾姪又得癩

症延醫服藥參茸並進皆出其財真待兄如父

視姪猶兒也繼次淺溪後主持族事睦族存黨



排難解紛族中不與訟者二十餘年子懋清焚  
墓連境賢書人謂皆公尊師重道之報云

吳舉廷號雲亭正貢生年十五怙恃俱失次年  
繼母又卒上止有老病之繼且十六有未周歲

之異母弟負郭新田陸處無屋母舅貢生李載  
道憫之以以數畝使之畊然因其祖庠生坦軒

藏書歸而摩挲不忍捨甘貧力學幸性敏能  
自得附通羣籍經史外凡諸子百家有用之

書靡不研究與之論古今辨疑難娓娓不倦且

### 吳川縣志

#### 八人物

多雋解

二才詠敏純皆樂從之遊公因於善誘

成就多天性淳反每書卷中見父淺溪公批

字跡必掩卷飲泣父母生忌日懸像瞻仰親

禮祝之亦亦祭奠教弟成立後家口日繁迫而

分爨名節歸家食必招弟共飯歲荒功總之親

不能飲口亦亦多就食其家亦亦決以公言

為行止嘉慶己未郡城開設文明門推公為督

經官籌畫功居多生平砥節彌行有體有用

惜十歲棘闈薦而不遇臨貢之年又以病痿就

例未詳其抱

鍾元樹號愚菴歲貢生真純潛靜自少以孝弟  
聞長而篤志厲行一切聲色貨利不入其懷專  
心嗜學博通經史於宋儒諸書尤有心得教授  
生徒以小學近思錄二書為根本故門多名士  
宏素貧宮中脩脯以賑貧乏屢空晏如所稱安  
貧樂道庶幾近之子昌燕好齋食餼能讀父書  
李政號簡堂增貢生天性孝友

成癖尤於性理一書潛心研究至老不疲常錄

吳川縣志

卷之八

人物

朱子格言以自勵故言動皆有準繩為文力追  
先正不喜趨時曾見賞於翁學憲庚寅薦而不  
遇士論嫉惜公不以介其心也與人交不尚意  
氣淡然相與使人之意也消撫愛子姪善於甄  
陶衣冠濟美而公益歆然不自滿假可以覘其  
所養矣

吳泰周號遜齋太學生少失怙奉母能體其性  
情務得歡心中愉皆親自浣濯不假婢婦沒後  
殯葬之處兄恩言生美周號赤亭天姿高明敦

氣節重名教大義所在勇於必爲公事之如師  
而佐之以謙和見宗黨戚友雖狎亦加以禮貌  
從無相忤之人賑貧拯難尤盡其力時謂赤亭  
如夏日可畏公如冬日可愛然印而不流故人  
不敢干以私少壯勤學不遇乃就例成均故崇  
需重道出於真性至晚歲延師教子猶披吟不  
厭爲諸子率令子孫林立膠庠五子家駿早捷  
賢書皆義方之報云

林式中字通南歲貢生任海康訓導沉潛嗜學

吳川縣志

卷之八 人物

五十一

博覽羣籍制義外兼長於詩友教四方從遊甚  
衆四鄉推重故乾隆辛丑舉爲都正庚戌沈邑  
侯重脩邑誌舉公爲主筆及司鐸時年已七十  
從窮經不已壽八十有七殆年彌高而德彌劬  
歟

陳璋潤號方流己酉舉人長寧鈔州瓊山三學  
教諫性學兼優言行不苟禔躬教人總以敬爲  
根本讀書不屑於高頭講章而實有心得爲文  
力追史漢少時極類國策後潛心性理涵養旣

邃文亦歸於平淡時推古文作手生平不妄交  
而與之遊者久而彌見其真李公藍田公同年  
也辛酉同上公車旋時卒於旅次資斧俱乏公  
一路丐捐卒扶櫬歸於其家並立嗣而後去晚  
歲秉瓊山鐸刊邱文莊公朱子學的一書以教  
多士可以覘其學矣

吳振發號躍亭歲貢生碎舉而端少而好學弱  
冠食餼七拔優等文譽蔚起與陳芷江廣文同  
見賞於邊翁兩學憲及十四戰棘闈屢薦不售

吳川縣志

卷之八 人物

五十一

乃退而講學生徒聞風景從書理經義詳細剖  
晰著有古心講義一部晚歲於五經每年必溫  
習一次發爲文章粹然儒者之言病時猶手不  
釋卷洵爲好學之士

林懋脩號淑廬拔貢生國子監肄業充實錄館  
校錄授封川學教諭性質溫靜品行端方自少  
束身圭璧篤志力學文譽噪一時選拔後九年  
太學不屑奔競讀書臨帖之外正襟危坐所養  
愈醇及兩薦京兆不售乃歸而養母旋授封川

學博不一年丁艱返里友教及門以主靜爲宗  
仍終日讀書臨帖不以世務櫻心齋厨蕭然淡  
如也其書法倣虞世南能以懸筆作小楷如精  
金美玉爲世所珍識者謂字如其人信然

林懋昭號曙山甲寅 恩科舉人拔貢懋脩之  
弟也三歲而孤稟性純孝事母黃氏依依左右  
鄉舉後不忍遠離膝下故不試禮部者十餘年  
以養親爲樂不願仕也待兄弟子姪親愛之誠  
入人肺腑蓋其至性過人故護嘗建祠勸善息

吳川縣志

卷之八 人物

五十一

爭旌人亦樂於從命性喜交遊竭誠盡敬披肝  
膽有車裘與共之風少聰敏長而文譽鬱然與  
兄競爽壯年鄉捷未展素抱遠爾捐館士論惜  
之

陳獻猷號淡園 恩貢生庚午 恩賜舉人授

布政司經歷職孝友性成事父母能承色笑有  
戲絲風六十執親喪哀毀絕粒每遇生忌日必  
哀思飲泣孺慕不衰弟四人少同衾枕老而友  
愛彌篤教子姪敦宗族整飭家規勒石祖廟宗

黨賴之平居淡泊明志不問家產潛心嗜古老年手不釋卷九精於易子姪林立膠庠恂恂被服皆其作養壽八十有六

孫亘脩號逸園太學生少失怙事母至孝十齡時胞伯養爲嗣定省兩堂愛敬均一及伯生子欲歸伯愛之不允視本生與出嗣兩弟友愛敦篤如同一家性質真誠一生言不妄發事不苟爲無一戾俗之行無一欺人之語清心寡慾厚重不佻與之處初無可喜久而自然生敬晚歲

延師教子傾產不惜今其長子大焜早登賢書次子大燦亦列膠庠厚德之報不爽云

林鵬翀號雲垂廩貢生廉州府學訓導少失怙恃事祖如父愛敬甚至與兄邑增生溥章墳篋極叶析爨時盡推父所遺產業與兄不計而待弟與姪訓課尤嚴其姑適吳門少寡家貧無子公與族人謀竭力捐租爲姑立嗣邑侯沈公與公最契詩文之外未嘗少干以私司鐸三載以扶名教培士氣爲主諸生有無辜受累者必力

爲調護公自紫雲公後至公四世廣文家有藏書門多問字文譽世家邑中首屈子輝墉庠生鄭光溱號潛菴 恩貢生性聰養邃善事兩代孀慈友教一堂弱弟人無閒言自束髮受書不撓世務於五經四子及性理諸書沉潛研究能折衷衆說以歸於至當持躬以敬居常正襟危坐從無跛倚之容亦無喜溫之色對之者謂如坐春風中也爲文清真雅正法本先民故八列優等三薦棘闈從遊口衆多士皆謂無媿經師

興川縣志

卷之八 人物

五十四

人師云

林鶴齡號仙嶼己卯舉人太學生元相次子也相性至孝母病劇嚙指血書誓披髮叩天願減算以延母壽十年後母適以其月日卒人甚異之故公生而天姿敏慧風神朗映少號神童幼失怙事母極孝家貧力學穎異能文十六補弟子員十九食廩人饑弱冠捷賢書一試春官薦而不第卒於京邸著有水經註圖漢書節畧二書行付剞劂嘻徐鉉十齡作賦謝蘭八歲工詩

才矣而未登金馬遽賦玉樓豈不惜哉

易樹邦名採仁以字行武庠生自少膂力過人  
弓馬嫻熟弱冠外入營効力以才技拔補高州  
右營把總嘉慶元年調征湖廣猺匪聞信喜曰  
此吾立功報國之日也慷慨出門毫無顧戀及  
赴陣自請衝鋒奮勇向前三戰皆捷即以軍功  
擢陞千總益加奮勵靡旌靡壘屢建奇功以率  
所部深入遇伏彈中其腹猶扯旗緊裹轉戰而  
前大師報捷凡在陣身死者皆錄功入奏蒙

川縣志

卷之八

人物

五十五

特以優恤世廕其子熙賢為雲騎尉崇祀昭忠祠

李定邦平澤人少慷慨有大志貧親老遂棄

儒從戎冀博升斗以養由外委擢補把總垂十

年履險不驚臨難不顧睨者過人嘉慶庚辰督

舟師洋巡適大風雨士卒多投岸逃主定獨竭

力襄持且諭以大義日舟猶城也風猶寇也食

君祿守君城賊衆寇城既不可棄城而逃又安

可捨舟而去吾誓與此舟共存沒且諸君協力

又亦必舟必不可守也不料自午至亥風愈烈



水愈急纜斷逢龍力不能支乃整冠履繫印於  
犀其舟俱覆九月風定瀕海見死者狼籍  
乃醜金掩埋見其有印在臂知其官也表而記  
之以待認者故家人得而歸葬焉狀聞於

朝

特恩優恤以子鍾奇襲其爵

陳吐才號秀峯候銓府同知早年失怙事母能  
順承其志事必稟而後行此母所命不憚勞苦  
親為榻糜得嘗以報博母歡心少有顯身

卷之八 人物

五十一

家居枕海善取

然之利頗有餘產即捐

志公就府佐職請

而周貧濟困鄉

黨賴以舉者數百家當海氛猖獗時

金召募義海堵禦錢戎唐郡金皆主於

其家區獎勵遇邑中大典必先重捐邵賢

侯以憂卸篆貧不能歸公並非受恩與邑中好

義者數人立碑數百俾得就道無

謂言無慮行如轉圓蓋亦好義之士也

卷之八

吳川越在海微自宋以以來寇亂相尋  
宇民生其間抑何不幸歟及披覽邑乘  
千中以節制何者不二十人其生于世  
禮教者固已卽草明達戶之下往往不  
風之古也嗚呼歲寒知松栢不信然  
涼爲馮沈故國當年屣錦繖保障  
州智勇絕倫以榮名終城古所僅  
學子婦人耶凡若而

三

不聞方今

白教凡節操顯著者咸得列祠祀流  
以纂輯志乘諸君子爲功二世道又豈

妻南三都吳英 女成化十年適靖

丁曰成甫七月薨卒時吳年十九甘貧守

課子爲邑庠生其孫維嘉復補邑廩生  
餘而終

蔡憲邦妻年十八適憲邦尋卒陳氏才二  
二子亦殤以姪學易嗣遊邑庠娶李氏  
八歲學易又天陳與李復取姪學書子  
仰高爲學易嗣年六而志益堅通學公舉學使  
蔡公善正節之門以旌嘉靖萬歷間巡按陳公  
蔡公先後旌表

李氏林彥幹妻玉愛卽其女也隆慶三年流賊  
劫掠林氏一家三十餘口俱被擄去李氏及女  
不從罵賊不  
一家玉愛死于市事聞

郡太守吳公國倫判云李氏玉愛首倡大義  
因罵賊而捐身繼則全正隨同母而是難吳川  
一裔土耳其民俗頗不甚淳彥幹一匹夫耳儀刑  
豈必盡善今李氏爲夫義不受辱玉愛爲母義  
不偷生禍起一時銅如百鍊抗聲罵賊心已烈  
于丈夫駢首播凶性移于天植血濺海洋之  
蠱賊膽寒死分家廟之前無媿先人面  
見 雙節五嶺稀聞相應遵照亟爲轉達表  
揚以慰英魂以挽頹俗時臺省監司以正烈表

其門守道桂云玉愛誓不從賊罵不絕口被  
殺其足可別其首可斷其身不可辱正氣完節  
真可以風世教

邱長姊邑人邱東漢女許聘林三松未嫁而

三松死長姊即往守制曰生縱不得與同室死  
寧不得與同穴乎母兄勸諭即自經力救而免  
熒熒孑立年五十餘而卒

陳氏庠生林懋植妻也海至氏與翁姑俱

被執欲殺姑氏求代死且曰釋

吳川縣志

卷之八

節婦

金至矣乃縱其姑而縛翁婦及

夕贖至陳度賊將釋翁而留已乃剪髮付蒼頭

曰持此以示吾夫遂沉于水時年二十五

麥氏教授璣女也年十七適廩生林慎十九而

寡遺一子甫三月而家無擔石之儲翁姑勸其

他適氏斷髮毀顏以自誓名其子曰全節以

見志後遭寇變冒火以救夫棺入河以援姑溺

竟獲免難若有神物護持崇禎間建坊旌表壽

九十而終

陳氏生林穎秀妻訓導陳廷誥孫女年十  
歸穎秀三載夫亡傭績以事翁姑一日颶風大  
作城舍俱隳氏伏穴櫬號泣片瓦不颶一念之  
誠能回風伯之暴教大俊入太學崇禎四年  
建坊旌表

林永秀妻年二十一而孀遺孩甫及期痛  
哭幾絕欲從地下姑以撫孤強之去既而姑病  
氏斷指髮以禱時海寇焚掠里人盡竄氏念夫  
未葬守死不忍離幸火未至而賊遁下

吳川縣志

卷之八

節婦

人以為節孝所感教子迺紹遊泮崇禎六年  
旨建坊

李氏常州府訓導李夢周女庠生懋懋建妻也  
早年夫死無子哀毀不食自經者數矣婢覺救  
之而甦因繪夫像朝夕敬奉哭不絕聲守志六  
十餘載崇禎十二年 旌史旌其門曰正苦流芳  
壽九十二而終

國朝

譚四正芻人增生譚聰女也年十七未字

治五年閩兵搶掠四姊被擄不從極口罵賊因  
剗其股而殺之

舒氏吳萃奇妻年三十三順治五年爲閩兵所  
執不從見殺

錢氏吳亮朝妻也順治十二年西寇犯境被執  
寧死不辱竟被害

李氏林其菁妻也康熙十九年海寇掠梅菜氏  
年二十一被執不從爲賊所害

吳氏李廷班妻生子培甫二十餘日而喪夫天

吳川縣志

卷之八

節婦

三

志苦節事其孀姑林及祖姑黃以克孝稱存歿  
盡禮撫孤成立餼于庠後任大埔教諭四世單  
傳賴以復振雍正八年請

旌建坊

黎氏林翰英之妻年二十二生子名子禎甫期  
夫亡撫子成立娶譚氏生子世隆數月子子禎亦  
歿時譚氏年二十四姑憐其少勸之改適氏愀  
然曰姑孀守二十餘年所恃以娛桑榆者惟夫  
耳今夫不幸倘氏亦去姑老誰養稚子誰育以

願繼姑志必不效喪節婦遂與姑共甘苦紡績以給環堵蕭然晏如也世隆年近六旬而譚氏尙康強兩世苦節邑人憐之

張氏庠生楊炳然妻年二十八夫亡痛哭喪一目毀容矢志孝事二姑姑歿與翁柩經營合葬盡禮邑被寇踞三年田荒稅逋合族俱逃獨氏撫四孤成立又相繼而歿遺孫二人方在乳哺亦氏撫育婚娶年八十二而卒

黃氏吳聖祝妻邑庠生吳裔超母年十九適吳

吳川縣志

卷之八

節婦

三

未幾夫被兵死時超方期氏事翁姑及祖姑盡孝翁姑歿無期功之親可依窮年紡績撫子立年八十二

張氏邑人李亦白妻自幼避寇南寧府娶氏生子紹芳年二十五而寡衣食莫繼父母欲奪其志氏堅不從撫孤成立寄身營伍雍正三年廣西提督韓良普以勁節幽芳表其門六年携子歸吳得還故土

陳氏邑庠吳士澄室也賦性端莊事繼姑無間

言睦如妯勤荻訓立父嗣置產室尤爲孝而  
者今以孫元功貴馳贈宜人曾元林立四賢書  
六明經食餼遊泮者十有三人無非厚德之報  
李氏廩生林玉潤附生林玉澤之母年二十七  
夫故守節端儉淑慎孝事寡姑歷久不倦喪祭  
盡禮撫教二子克有成立乾隆二年建坊

### 旌表

黃氏係廩貢易暢元之媳易朝翰妻也年二十  
于歸五年夫故無子孀守孝敬翁姑生養葬

## 吳川縣志

### 卷之八

節婦

三

盡禮盡哀治家勤儉閨範端莊養夫胞弟一子  
承祀族黨仰焉乾隆十年奉

### 旨旌表建坊

王氏王業生女自幼言笑不苟孝事父母許聘  
李潤暢爲妻將嫁而暢卒氏聞訃一痛幾絕水  
漿不入口者七日誓欲奔喪守節父母不允潛  
素衣疏食飲泣三年迨父母轉受邱聘女見時  
窮勢迫泣于夜焚香告祖潛赴江水端坐而死  
詰朝父母搜其衣帶有願歸葬李家遺囑李家



憐氏水心迎棺合葬擇服姪李卓茂爲嗣士六  
夫爲詩文弔之乾隆十一年奉

旌表建坊

陳氏李樹秀聘妻生而端莊孝順未及二歸夫  
故始適夫家時年二十一孝事翁姑先意承志  
生事死葬無不盡禮備嘗艱苦者三十餘年乾  
隆十七年奉

旌表建坊

李氏歲貢陳孔煥之媳陳其珩妻也二十歲于

吳川縣志

卷之八

節婦

三

歸夫故誓不欲生念姑年老子幼矢志支紡  
績以供甘旨凡遇翁姑疾病湯藥親調衣不解  
帶及遭喪葬變賣簪環心力曲盡訓子義方持  
家勤儉鄉里咸敬法焉乾隆十八年奉

旌表建坊

梁氏邑人梁廷選以許聘甯翰徽第三子愬聖  
未嫁而愬聖死時氏年十八聞訃絕食幾至傾  
生卽服孝往守制立夫胞兄志聖子義承嗣侍  
奉翁姑生養死葬盡敬盡禮不出閨門者三十

四年乾隆二十七年奉

旨建坊旌表節孝焉

林氏林春達次女陳學源次媳監生模妻也端莊淑慎時氏年二十八模故痛哭不絕矢志苦節孝事翁姑和陸妯娌翁姑雙歿葬祭必誠立堂姪陳宸璿爲嗣乾隆二十七年奉

旨欽旌永表節孝

李氏乃陳偉紀妻會同教諭陳梓棟三媳年十八于歸二十孀守經營故夫塋孝敬翁姑志姑

吳川縣志

卷之八

節婦

三

撫夫長兄監生陳偉綜次子星輝繼撫天六弟增生陳偉絨長子星奎爲嗣乾隆二十七年奉

旨欽旌永垂節孝

林氏監生陳紹琦妻貢生陳用楫之母也貞靜淑慎夙嫺姆儀年二十五孀守兒孤親老克盡孝慈洎祖姑亡喪祭盡禮孤子成立式穀倍殷孀居三十餘載動輒辛勤乾隆二十七年奉

旨欽旌永垂不朽

李鳳翽妻年十七于歸秉性淑慎翁姑

將菽水夫子敬戒無違迨雙親淪亾髮夫告逝  
抱養房姪以承宗祧厥後葬親葬夫無不盡禮  
孀守三十餘載乾隆二十九年奉

旨欽旌以誌不朽

李氏陳秋潤妻監生敏本母也秉心貞節賦性  
冰霜于歸兩載夫與翁同逝未幾而祖翁與兩  
姑又復繼亡命愈蹇而節愈堅遇彌艱而孝彌  
篤盡心營葬事事盡禮後撫姪爲兒教之成立  
總一生貞孝四十餘年族黨咸敬仰之

吳川縣志

卷之八

節婦

四

十二年奉

旨旌表建坊

梁氏化州監生梁琦女邑監生詹周盛妻貢生  
文錦母也年二十結褵未幾破鏡孤兒遺腹二  
老臨年氏矢志苦節事翁姑以孝聞存歿盡禮  
撫孤成立列于縉新卒逾六旬常謹禮度合鄉  
稱其貞孝莊慈乾隆四十六年請

旌建坊

曾氏會心明女趙富四媳趙允秀妻也將娶

身故氏聞訃自扇手織白布三疋包裹夫骸絕食三日易服自縊伊父報女爲夫身死氏翁憐氏冰心就義迎棺合葬於那余坡麻嶺立次孫趙禮宗承祧蓋所謂節屋中之烈女也士大夫多有詩文弔之乾隆四十七年奉

旌表聿昭奇節

吳氏係州同梁炤次媳梁尙殿之妻也氏年十六未嫁夫亡聞訃時泣縊數次母兄力勸始免捐生願往夫家守節翁姑遂禮接成服以成其

吳川縣志

卷之八

節婦

聖

堅志奉雙親撫嗣子孝慈兼致守婦道而端壺儀所貞操者四十餘年矣閨範流芳鄰敬仰乾隆四十九年奉

旌表建坊

招氏乃李永萬妻孀生李上明母也年二十賦于歸歲廿三悲破鏡而兒妖而髮夫亡家翁淪而繼姑寡命愈危而節愈堅家愈艱而孝愈篤以婦代子撫姪爲兒營喪葬訓孤兒舉一生辛勤者蓋三十六年矣鄉黨仰其貞節家人亦爲

刑 乾隆五十三年奉

旨欽旌永昭不朽

黃氏乃生員黃匡臣女修職郎李超桐長媳李  
玫之妻也賦性溫恭幼嫻內則氏年十八于歸  
旬日適遭破鏡氏絕飲食幾至捐生迨承翁姑  
訓遂以婦供子職立嗣承祿事翁姑以孝訓二  
子以慈矢志冰操者曾三十五年矣鄉黨咸敬  
仰之乾隆五十三年奉

旨欽旌

吳川縣志

卷之八

節婦

聖

梁氏梁雲呈之女許字譚有紀之子文學爲妻  
未嫁而學卒氏時年十八聞訃慟倒氣絕復甦  
卽欲往守喪父母勸阻氏絕粒數日竟自縊而  
死夫家聞之迎其柩與學合葬於大皇樹嶺一  
時遠近文士作詩致輓 邑侯陳公題其墓  
李氏林春韶妻年二十一于歸二十七夫亡家  
貧無子矢志靡懈擇弟春瑞之子廷真爲嗣孀  
守五十載以全節終

吳氏李時薦妻年二十于歸二十八而夫亡家

子惟姑在堂氏乃食力事姑養生送死克  
敦婦道以姪李大文爲嗣孀守三十餘載人無  
閒言現年屆六十

陳氏吳殿秀妻秉質幽貞賦性端謹年二十于  
歸甫經四載而夫亡無子氏矢志自守竭誠奉  
親一切財產任憑夫兄措置不計多寡并慮夫  
禮祀弗嗣辛勤蓄積自置田米六斗永爲夫蒸  
嘗使血食不絕以從弟吳殿瓊之次子吳侯承  
嗣年六十有二而卒

吳川縣志

卷之八 節婦

聖

林氏吳鴻嗣妻年二十于歸閱四載而夫亡姑  
老子幼事姑訓子胥得其道年逾六旬而終

洪氏蔡植周之妻邑增蔡元菁之媳年二十于  
歸閱一歲而夫妖無子嗣子尙幼氏仰事寡姑  
俯育幼子孝慈兩盡現年五十七歲孀守三十  
餘載節操始終不渝業經移文詳請旌表

蘇氏鄭夢吉妻珠心慈孝賦性堅貞年二十四  
于歸二十九夫卒家徒四壁親老子幼氏則孝  
事翁姑養生送死自然合節教養二子亦底於

馬現年六十六子德榮國學生

楊氏黃司培妻貢生黃上致母也年十九于歸閱五載而夫亡止生一子雙親在堂氏則孝事翁姑生事死葬必誠必信義方訓子節儉持家卒底於豐豫焉孀守五十餘載壽七十餘歲而卒

吳氏林才周妻年二十于歸閱四載而夫亡無子氏能存攬家業廢而復興擇從姪廷悅以繼夫嗣焉現年六十

吳川縣志

卷之八

節婦

四

陳氏吳捷昇妻監生冠川祖母也年二十于歸二十六而夫亡悲痛欲絕後以事歸寧母家父母以家貧勸令他適氏則怒形於色不辭而歸絕迹不復至焉居家孝事雙親教養幼子孀守三十七年壽六十三歲而終

孫氏李毓仁妻年二十二于歸二十八而夫亡獨生一子幼穉多病家無儲積氏獨紡績供奉雙親撫養幼子艱難備嘗享年七十有七而終陳氏李為瑚妻歲三十一生李健榮母也年十八于

歸闈數載而翁姑繼喪又兩載而夫復亡時氏年二十有七二子甫離襁褓家業蕩然氏獨力撐持營葬三棺無養二孤克底成立年五十八而終

陳氏龐元燦妻年二十三夫亡越數月生一子偉倫娶鄭氏生三子年二十八而倫又亡鄭氏事姑愛敬兼盡姑年五十二亦繼夫而亡氏典裳鬻釵喪葬盡禮迄今年五十九與姑陳氏俱孀守三十年一門雙節殆足風焉

吳川縣志

卷之八

節婦

聖

招氏龐仲德妻二十一子歸未兩載而夫亡越三月生一子家無擔石志矢冰霜敬事翁姑養送無憾迄今年五十有四節守三十一年四鄉共仰閨範焉

邵氏孫子敬妻二十子歸生一子念二夫故氏欲從亡但念翁姑年老幼兒無依矢志栢舟閨門不出迄今年五十有七孀守三十五年敬奉翁姑撫育孤子承先啟後兩無遺憾焉

鄭氏孫士材妻年二十七夫亡一子尚幼足不



出閨闈志時凜冰霜長伯盡廢家業氏無怨言  
事姑孝順不違姑死棺殮葬祭身肩其任至遭  
歲凶寧枵腹以自苦不叩富門不登外室迄今  
年五十有九節守三十二年梓里共憫其苦欽  
其儀焉

鄧氏莫春華妻莫李平李睿李秀母也年廿六  
夫亡絕食六日幾殉夫葬但念翁姑年近古稀  
無人奉養勉強節哀勤紡績以供菽水育幼兒  
迨翁姑繼逝氏廢簪裳力營喪葬慘傷過度至  
於喪明今年七旬有三苦節四十餘年教四世  
以一饜獲子孝而孫賢鄉黨莫不惜贊焉余因  
顏其門曰節並松筠

李氏陳關書妻十九于歸念五夫故與祖姑凌  
氏阿姑易氏俱年未三十矢志栢舟喪祭盡禮  
課子成名一門三寡全壽古稀邑侯朱公以節  
孝可風旌其門

姚氏李堂妻年二十五夫亡無子姑繼亡氏矢  
志冰霜事翁盡孝敬孀居三十五年姪邑庠士

忠承祀

易氏增生林崑材妻于歸數年崑歿無子以崑兄巍材之子秉乾爲嗣氏年二十八慇懃教子乾長娶陳上華之次女爲媳越八月而乾復亡時陳年十九與姑矢節孀居或以繼嗣無人勸之他適陳以姑一生苦節滿望承祀不幸夫故願甘同守今易年六十有八孀守已四十一年陳今年已五旬勵志又三十二載姑媳二人伶仃孤苦形影相弔人共稱爲一門雙節云

吳川縣志

卷之八

節婦

七

楊氏林華初妻子歸甫逾載而夫亡無子家貧如洗誓欲捐軀以殉旋以姑老不果姑尙有二子於氏夫爲兄而饋粥惟氏是任姑歿典裙布以殮終年獨處一小室詬誶盈耳笑然以紡績度日童穉罕覩其面現年六十有三李氏林鍾城妻年十九于歸越三載而夫亡無子家徒四壁翁又多疾氏躬承湯藥養生送死皆其自力逾年而翁姑雙亡氏抱三杖呼號迫切死而復甦自是綢繆葬資夫與翁姑之柩皆

賴以厝焉現年五十有九而妯娌送迎足不踰  
闕

麥氏業儒吳元宏妻年十八于歸甫兩載而夫  
亡無子氏堅心自守紡績奉親生事死葬克敦  
婦道以夫弟次子齊川爲嗣享年八十有四  
吳氏庠監生陳孔讓妻年二十三而夫亡氏甘  
貧矢節教育二子吾清吾潔成立焉現年五十  
有三

黃氏梁遴選妻年十八于歸祇將菽水敬戒無

吳川縣志

卷之八

節婦

哭

違越五載而翁亡服喪三年而姑又逝姑喪未  
滿而夫又亡自于歸至二十七歲九年之內長  
遭凶憫痛哭不絕夫旣無子又無弟兄家貧如  
洗難於擇繼乃食貧自守紡績以葬三棺年六  
十六終焉厥後女婿監生李元翰始爲擇立族  
姪梁聯榮爲嗣

陳氏廩生李若香妻秉心貞節賦性孝慈年二  
十于歸事翁姑以孝二十五夫故時氏哀痛欲  
絕自縊者數次婢覺救之得甦有遺腹子撫養

成人足跡不出閨闈婦居三十九載壽六十四而終與夫全葬院村城頭嶺子元炳監生孫玉芳玉華同遊泮

李氏庠生麥國沛妻年二十二而夫亡子生方數月時氏痛哭欲絕翁姑以撫遺孤強之起自是屏鉛華矢苦節後經五十年未嘗有豫色孝事翁姑克敦婦道年七十有一子挺庠生孫實發廩生有聲庠序

李氏關時用妻年十九于歸二十三而夫亡遺

吳川縣志

卷之八

節婦

吳

腹子未產而且翁姑連喪依倚無人四壁空存糲餐難繼氏食力教子備歷苦况者五十八載年八十一而以全節終

董氏李鳳翥妻年十八于歸二十一而夫亡親老子幼事親育子曲盡其道現今五十有一治家有法人無間言

吳氏李懋昭妻年二十于歸甫三載而夫與翁相繼歿遺腹一子旋歿家貧如洗拮据營葬翁與夫二柩事姑孝敬益篤沒而喪葬盡禮以教



兄惠昭子松齡為嗣撫育教誨俾至成人現年六十有三

楊氏吳崇鄉妻年二十五孀守撫育二子奉養雙親存歿盡禮一生辛苦五十餘載年七十九而卒

麥氏<sup>生林</sup>世祿妻年二十于歸廿三孀守奉養寡姑謹循禮法後立堂姪廷維為嗣六十二歲而卒

吳氏陳敬授妻年廿一于歸數月夫亡奉孀姑

吳川縣志

卷之八

節婦

卒

撫猶子生事死葬莫不盡禮所苦節者三十餘年迄今五十四歲矣

凌氏李吐枝妻年十九于歸廿六孀守事親以孝教子以慈二子並列膠庠年八十五而卒

陳氏沈君鄭妻生員沈介章母也氏十八于歸廿八破鏡葬翁姑撫三子教以耕讀於今六十有二所孀苦者三十四年

陳氏生員易為清妻年十八于歸廿六破鏡教育二子中錦中實俱列武庠營葬雙親更加謹



慎孀守五十餘載年八十而終

黃氏林泰元妻二十結褵逾年夫歿遺腹子復汪及長娶李氏未及三載汪死李殉氏以祖撫兩代之孤貞操三十餘年六十餘歲而歿蓋所謂一門雙貞烈也

林氏李嗣白妻十九于歸廿三孀守擇姪監生李鳳揚爲嗣清操四十餘載年六旬餘而終焉林氏詹早昌妻年廿四孀守於今三十六年事寡姑教孤兒謹守禮法年近六旬而貞操如一

吳川縣志

卷之八

節婦

五

日也

林氏陳韶九妻庠貢陳嘉猷母也年二十于歸三載夫亡姑老子幼上供甘旨下訓和尢迨姑喪殯葬盡禮子遊黌序訓戒彌殷孀守五十餘載壽七十七而終

凌氏吳珏妻賦性貞靜秉質端莊十八于歸二十孀守撫嗣子奉雙親苦節一生竭盡孝慈之志至今五十五歲孀守三十三年亦閨範之貞傑可挹者

梁氏吳盈川妻年二十八夫亡無子以兄之子  
庠生鳳岐爲嗣翁姑早逝節守靡他現年六十  
有六

林氏梁沛之妻二十于歸二十四夫死無子家  
貧如洗人皆勸其他適氏念翁姑年老奉侍無  
人竭力紡績以供菽水撫姪景光爲嗣現年六  
十六歲

李氏龍奇煥妻年十八于歸二十四而夫故家  
貧親老氏紡績事親教子翰清成立焉壽八十

吳川縣志

卷之

節婦

三

四而終

林氏陳德九妻年十九于歸二十五夫故家貧  
矢志孝順雙親養兄陳常九之子爲嗣現今七  
十有五

陳氏儒生李芬妻結褵四載而夫亡止生一女  
家貧如洗氏窮餓自守以兄之次子載承入繼  
未幾而嗣子旋亡氏事舊姑撫弱孫茹荼飲水  
者五十餘年壽七十有八

陳氏李鳳至妻年十八于歸自力以養翁姑越

一年而翁卒逾六年而夫又卒並無半畝之遺  
父母欲奪其志不從婦姑二人更相爲命逾年  
姑又繼夫而卒氏伏櫬號泣幾不欲生旋以三  
棺未葬不可不留身以畢吾事厥後得嗣子飛  
香尙幼而營葬三棺皆氏之力焉現享年七十  
有七

林氏郡庠鄭周綿妻二十結褵廿五破鏡奉翁  
姑生事死葬撫嗣子宇瑞教育彌殷至今六十  
六歲孀居四十餘年紡績之勤始終不惰也

吳川縣志

卷之八 婦

三

蘇氏庠生龍在天妻年二十于歸六載夫故姑  
老子幼紡績爲生及姑沒喪葬盡禮苦節六十  
餘年至今八十二矣

李氏林萬紫妻二十結褵廿三破鏡親老無子  
終不變節事翁姑營喪葬撫姪國璧爲嗣備嘗  
辛苦者四十餘年現今六十有九

蘇氏楊時茂之妻庠生楊沾露之母也年二十  
于歸甫年餘而夫亡時氏生子方兩月矢志守  
節上事翁姑下撫孤兒嗣翁姑相繼亡氏盡禮



孟哀義方訓子享年六十七而終

黃氏吳兆元妻年二十于歸二十四歲夫亡矢志守節撫孤泰昌成立今年五十有四猶勤紡織不倦可稱貞苦者矣

李氏林一昌妻年二十于歸越三載夫亡無子家徒四壁紡績以奉翁姑越數歲翁姑相繼而亡氏號泣哀切盡禮盡誠三棺賴以葬焉現今七十有六

陳氏貢生詹感武妻年二十于歸事翁姑孝謹

吳川縣志

卷之八

節婦

五

二十六歲夫故越數載而翁姑俱歿盡禮盡誠和丸教子邑侯王公顏其門曰勁節千秋壽八十一而終子周裔周德俱國學孫文炳大魁俱庠生

梁氏施揚瑞妻年十八于歸一載夫亡撫遺孤奉父母勤勞紡績以供養殮矢志冰霜者曾四十餘載矣年及六十餘而女工猶不輟焉

戚氏鍾錫貴妻年二十五孀守教孤兒有成立事後姑盡敬遇翁姑喪葬竭力生平不信師巫

有說此亦女中有士行者現今七十餘歲

李氏陳上瓊妻年十九而孀衣食莫繼父母勸之他適弗從傭績自活撫孤成立苦志五十餘載鄉閭共仰閨範焉

許氏王尊義妻年十八于歸旬月夫故奉翁姑孝及遭喪葬盡禮不懈立王建猷以承禮祀現今六十有五所苦節者四十餘年

李氏邑庠孫鑑之妻年二十三于歸二十八夫亡越四月生一遺腹子矢志苦守撫孤成立娶

吳川縣志

卷之八

節婦

五

媳黃氏數載子亡而媳亦逝養一嗣子未幾而又故形單影隻現年六十有七鄉鄰共恤之

林氏陳煥珠之妻生員陳本第之母年十九于歸二十三孀守奉事翁姑與姪姑盡禮盡孝及翁姑俱亡氏紡績以營葬和丸以教子現年七十有二四鄉共仰閨範焉

梁氏吳德仁之妻年十九于歸二十夫亡幾欲與夫同逝因家姑在堂乃矢志水霜紡績以事家姑招嗣子以承夫祀奈家無擔石無人肯嗣

吳川遷延慈結難解至二十二歲而卒

朱氏梁振鴻之妻二十一歲于歸二十六歲夫  
亡子大欽方在襁褓有以姑老子穉勸改適者  
氏剪髮自誓撫孤守節四十餘年卒全其行  
林氏吳茂達妻年十八于歸二十夫故遺腹一  
子家貧姑老氏全節事姑育子成立年五十二  
而卒

朱氏易振熙妻二十于歸數月而夫亡無子父  
母以家貧欲奪其志氏輒投水被救得甦自是

吳川縣志

卷之八

節婦

五

節烈不磨紡績度日孝事翁姑壽八旬而卒

李氏吳翰樞之妻事姑能盡孝二十六歲夫故  
矢志和舟教子成立即候銓縣丞鼎三也迄今  
花甲幾周貞操益勵云

李氏陳彩龍妻恆著母年二十一夫亡營葬事  
撫遺孤孀守數十年完節無玷嘉慶五年

旌表建坊

姚氏李堂妻年二十五夫亡無子姑繼亡家貧  
翁老氏紡績以易甘旨盡孝盡敬孀居三十五

年姪甲子舉人士忠承祧嘉慶七年

旌表

吳氏張宏燿妻國球之母年二十五孀居貞操自矢盡孝撫孤數十載如一日現八十一歲嘉慶八年

旌表

易氏林繡蘊妻年二十三而偕伉儷二十五而悼孤孀節既堅貞孝能篤摯竭誠盡禮敦事於老姑迎養送終報劬勞於生父痛良人之早逝

吳川縣志

卷之八

節婦

五十七

皎日天懷育嗣子以承祧義方立教小姑許嫁竭力綢繆孤姪無依勞心撫字守貞七十六載凜若冰霜苦節五十一年志同金石嘉慶六年

旌表

吳氏鍾道德聘妻也年十九未歸而德故計至赴喪泣血戢影毀容當海氛未靖時移家避寇姑抱沈疴氏籲天請代侍湯藥五年無倦容迄今花甲將週柏心逾勁嗣子鳴鳳遊庠咸以爲苦節之報嘉慶二十三年

旌表

李大姑小姑者異凡挺凡女也少失恃鮮兄弟  
父貧病無以自給姑矢志不字緝績以供藥食  
垂十稔異挺繼亡晨夕泣奠血淚并流族人感  
其孝擇旁親為兩父後時姑年尚艾有勸適人  
者輒憤然作色曰願終為李氏子足矣詎望所  
天也由是戢影扃門持齋繡佛歷數十寒暑雖  
至親罕得見面壽八旬外乾隆庚午壬申先後  
就世

吳川縣志

卷之八

節婦

五十八

欽賜檢討麥國樹為之傳當道有司爭以扁聯旌之  
李氏鄭業彰妻年十九于歸越五稔夫亡堂中  
親老膝下兒孤氏稱未亡人傭績以易旨甘和  
丸而嚴督課孝慈兼盡人稱完節無瑕應候

旌表

李氏增生楊宗淳妻年二十四夫歿誓不他適  
茹荼飲藥艱苦備嘗養親必具旨甘教子不吝  
脩脯男繩祖餼於庠人以為苦節之報應候

旌表

戴氏廩生黃德蕃妻夙佩女誠年十九歸蕃事翁姑以孝著二十四蕃故雙白在堂孤赤在膝氏堅節忍死代所天了事畜之責常仰體夫志推產以周骨肉自甘貧苦義方教子里黨咸欽敬焉子敏恭丁年食餽庠序蜚聲里閭咸推坤教云

鍾氏林位元妻年十九歸元二十六元卒撫棺泣血誓以死殉祇以高堂姑老陪侍無人含淚偷生承顏養志迄今姑婦茕茕形影相依潔白

吳川縣志

卷之八

節婦

五十九

之操遐邇無聞

李氏庠生陳張仲妻稟性正潔年二十八夫死越數年子又死伶丁孤苦與所生姑相依爲命貧極紡績佐殮十指不辭勞夫兄張元官死安溪櫬歸喪葬大事氏不惜典簪珥以佐之迄今茹荼集蓼而志益堅云

陳氏高若奎妻歸四載而夫死大慟剪髮自誓欲殉姑止曰若再死如堂上人及遺孤何氏懼傷姑意蓬首垢容含悲茹苦垂數十載諸妯娒

觀其面

陳氏李文高妻年二十四生一子夫亡毀容守節朝暮不瞻恬如也父母憐其少貧勸再字陳氏劉髮誓曰未亡人不卽從夫地下以衛孤耳何得以失義陷女遂扛門女紅自給裹足不往母家歷年八旬餘矣

麥氏林文浩妻年二十四寡居氏枯舟自矢撫孤成人子廷珖娶詹氏舉一子珖隨繼亡詹氏二十二亦寡一門天折兩世孀守婦姑相依爲

吳川縣志

卷之八

節婦

六十

命日夜勤勞其子於芳克自樹立鬻年補邑弟子員

蘇氏庠生凌貢之妻早年喪夫家貧無子氏誓死守志苦節自甘食素四十載後以姪祥龍爲嗣居常以禮自檢雖父母家亦罕至焉

陳氏李泮發妻年十八歸發牛衣對守貧窶兼常越四年發亡無子有諷他適者斷髮自誓習女紅不與聞外事雖日一舉火晏如也伯叔高其節以姪嗣之年垂六旬餘內外無閒言應候

旌表

李氏吳義妻年二十六夫亡斗室蕭條紡績自給雖忍飢食糜不乞憐於人孀居四十餘年人稱完節無玷

竇氏李榮階妻十八歸階越二十二階故氏茹荼飲藥奉垂老之翁姑撫承繼之嗣子享年九旬戚族咸以苦節稱應候

旌表

陳氏李榮敷妻年二十孀守事親撫子克孝克

吳川縣志

卷之八

節婦

六十一

慈與伯嫂竇氏居時貧丙夜機聲不絕一門雙節族黨嘉之應候

旌表

吳氏業儒林華芳之妻儀廷之母也年二十六夫故氏矢志守節戢影深居勤女紅以養親鞠子孟機姜績卒勞苦以終其身享年七十五歲應候

旌表

易氏李祖臯妻年二十七夫死鳳已分飛雛猶



未抱家貧姑老困苦難堪奉姑養志承顏雖辛  
苦拮据曾不敢以愁容見老人慮戚其心也後  
以夫翁法暴之子豪選爲嗣教之成立迄今亮  
節貞風終始一轍云

李氏林振國妻孝翁姑睦妯娌年二十七夫亡  
越月遺姑又亡薄產不敷藥餌殯葬之費氏拮  
据十指辛苦半生立嗣承祀屢襄大事衆議請  
旌氏聞拒曰薄命人從一終分耳何必播其苦於衆  
也其見大義如此

吳川縣志

卷之八

節婦

六十二

羅氏鄭以靖妻廩生章理母也年十九歸靖越  
兩載靖故無子哀毀不食雞骨支牀迨翁姑命  
含悲強起假色笑以娛老人稟義方以訓嗣子  
鄉鄰戚族稱其完節可比柏舟云

李氏庠生鄭秉中妻監生緝誠之母也年廿八  
秉故氏柏舟自矢事翁姑嚴課弱子貞風亮  
節鄉里無間言焉應候

旌表

李氏洗天潢妻監生盛凡女也孀守撫孤嘉慶

庚午海寇掩擄其家掠氏與幼子榮珠挾渡  
洲勒贖氏籲夫泣血誓不生還罵賊而死聞者  
泣下咸以節烈兩全稱之

何氏李健芳妻泗水也早年喪夫家貧兒幼  
氏朝夕泣奠織紡教子塋祭大事躬親營辦雖  
典衣質珥斷不肯苟率以圖成卒年七十二歲  
李氏鄭以惠妻年二十五而孀絕粒飲血厲藥  
茹荼事翁姑以孝聞撫諸孤以慈著母儀婦道  
兩無憾焉

吳川縣志

卷之八

節婦

六十二

李氏陳虞慶妻監生陳彝銘母孀居五十餘載  
鄰里共仰壺範嘉慶十五年

旌表建坊

李氏吳標廷妻歲貢吳靜之媳少嫻女箴賦性  
淑慎二十于歸事親能得其歡二十四夫故家  
貧無子紡績以助甘旨姑梁氏素瘧痰喘氏湯  
藥必親喪塋盡禮後以夫弟忠廷之子統仁爲  
嗣撫孤成立守志三十餘年族黨奉爲女宗焉  
林氏吳誠達妻年二十于歸二十五而夫故無

子家翁先逝姑龐氏年老多病爨火久虛氏紡績辛勤夜以繼日甘旨湯藥獨力支持不以委之妯娌姑媳相依為命者四十餘年姑壽九十有四氏壽六十有八而終合族致祭以嘉其孝焉應候

### 旌表

一門雙節陳氏吳士禮妻黃氏吳士英妻陳年二十六而禮故黃年二十四而英卒兄弟相繼淪亡一門雙寡止生一子洪昌二氏俱撫之

### 吳川縣志

### 卷之八

### 節婦

### 六十四

慈愛為一家赤貧艱苦未幾並燈紡績午夜猶聞機杼聲辛勤樽節以供養生送死之資後昌犯內症傾身調治及昌卒二氏亦相繼而沒計其妯娌守志相依者幾五十年從無一語詬誶亦人所難云

陳氏吳士榮妻年十一歸榮為童養婦年十六榮以痘瘍卒時猶未合色暈死數次既以夫數代單傳家貧姑病舉目無親留身有待自是匿影深閨紡織供奉外家屢次勸嫁氏嚙臂自誓

杜跡外門家翁德茂先逝姑黃氏脛癭流注沈  
頤床箚膿血狼籍氏問醫求藥不離左右者十  
六年及姑卒喪葬之費俱出十指一生辛勤未  
嘗一夕就床安寢夫房弟璠盛好義之士也止  
生二子感氏孝義以次子敬姬爲之嗣氏長齋  
繡佛今已七十餘年

招氏孫氏一門雙節招氏者廩生陳星聚之妻  
年二十于歸越六載而夫故孫氏者陳星煌之  
妻十九于歸越五年而夫亡皆監生縉綜媳也

吳川縣志

卷之八

節婦

六十五

二氏初歸事翁姑以孝著六七年間相繼而寡  
未幾姑又逝兩弟復夭且老翁卧病於床幼弟  
就傅於外零丁悽苦二氏支持凡藥餌甘旨俱  
二氏紡績以供迨翁壽終盡誠盡禮營葬六棺  
爲幼弟完娶幸天垂憫弟生七子招則撫其長  
監生諤然孫則撫其五童生杰然皆能成立招  
壽七旬餘孫五十三而卒

麥氏妙金院村廷珍之女珍年老無子家貧又  
難立嗣金矢志養親誓不適人息影綠窓傭十

指以供甘旨歷數十年如一日及父沒族人爲其父擇繼以慰其孝金亦終守女子之貞與大姑小姑同時稱三孝女云

李氏孫敬修妻年二十于歸越五載而夫故氏迸血絕粒誓與同穴翁姑貢以大義始延息稱未亡人孝翁姑睦妯娌教孤子各盡其道婦德尤爲無憾焉

吳氏林邦球妻監生體仁之母早年夫故一痛幾絕翁姑在堂奉事惟謹藐孤在抱教育綦嚴

吳川縣志

卷之八 節婦

六十六

孀居數十年人以清閨白壁稱之

李氏陳才龍妻夫死子幼氏孀居守義步不踰閨珥不飾首撫遺孤慈嚴交至奉祭祀黍稷惟虔迄今三十餘年人以完節稱

袁氏鄭之元妻夫死無子堅誓守節以事舅姑立祀承祧孀居二十餘年

何氏高若斗妻年十九于歸六年夫卒氏以翁姑垂白夫不及終事爲憾晨昏定省甘旨必親送終盡禮撫嗣成人鄉里以節孝聞

顏氏國學陳敏本媳邑庠陳星光妻二十結褵  
次年夫逝一兒遺腹貞堅自矢撫孤成立歷飲  
水茹蘗之艱事翁姑存亡盡禮內行無閒言  
黃氏職員黃毓英女少有賢名年十七歸于拔  
貢生林瓊樹樹以妙齡選拔識者均以大器期  
之不意年止弱冠而卒子庠生甫甲尚在腹中  
也氏雖椎心欲絕然念親年近邁腹有遺孤乃  
忍痛誓心事親竭誠盡力及孤兒長大挑燈課  
讀愛而能勞卒能教之成名壽年七十有四今

吳川縣志

卷之八

節婦

二十七

其孫曾詩書繼世科名雀起人皆謂幽貞之報  
李氏庠生李奇相女歲貢李本卓姊年二十歸  
林翹都二十三歲都故一子植邦時甫三歲上  
有六旬孀姑氏親供甘旨莖祭盡禮且睦妯娌  
勤紡績閨門不出壺範克敦內外無閒言壽逾  
古稀苦節五十年

吳氏易乾元妻年二十于歸二十四而乾故並  
無子女時欲投繯殉死以親老故爰稱未亡人  
以婦代子職事事盡禮且德性淑慎舉止端詳

睦親和隣內外奉爲禮宗焉現壽六十八歲  
莫氏吳成玉妻年十九歸玉越七載而玉卒  
子紹昌甫在襁褓雙親在堂氏乃茹藥飲水仰  
事俯畜盡孝盡慈及姑沒後復事後姑故禮有  
加後昌亦亡遺孤孫正芳正華二人氏又以祖  
母代父撫之成立今年逾七旬辛勤不懈允爲  
苦節全貞

龐氏吳巨望妻十九而咏于歸廿五而悲失偶  
親老子幼家復素貧氏乃菽水承歡自甘藜藿

恩勤鬻子不懼譙侮敬慎無違旌黨咸仰

梁氏林茹芳妻年十九歸芳以賢聞二十四歲  
翁故典質簪珥喪葬盡禮越年夫亡止生一子  
啟秀矢志撫孤日夜紡績事繼姑得其歡心後  
凡遇翁姑生忌日必典衣備物流涕哀奠現年  
六十有三哀慕不衰真孝義兩全云

李氏吳就文之妻年十八而嫁二十五而孀上  
有老病之舅姑下止一子惠元家赤貧饔飧不  
給氏乃以婦代子紡績以供甘旨復以母代父

教養而使成立敬戒無違恩勤備至及翁姑棄世喪葬之費皆出十指壽六十有四

王氏王業成女廩生王三錫之姑也稟性貞慎年十八爲楊愈椿室二十七而椿亡絕粒數日幾欲捐生旣以堂上姑老抱中子幼含淚承歡茹荼教子乃姑卒後子亦旋殤孤苦零丁貞操愈厲真松柏之性歷霜雪而不渝者乎

潘氏麥夢菊之妻二十而賦桃夭五載而悲破鏡嘔心泣血誓以死從時有姑在堂親戚苦勸擇子立嗣乃忍慟節哀上事老姑下撫幼子必敬必戒以慈以嚴壽八十四而終即監生大芬之母也

吳川縣志

卷之八

節婦

六十九

鄧氏蕭舒馨之妻十二于歸二十三而夫故一子樂天甫襁褓堂上有祖舅姑及翁家貧如洗氏矢守自誓茹荼如薺及祖舅姑與翁相繼淪亡氏拮据典質必盡其禮雖家道衰微甃甃孑立而戢影空閨冰操益厲今年將六旬晝夜紡績辛勤不懈



吳氏吳均廷之女年二十歸國學易舒一之子  
業瀚爲妻越六載瀚故高堂老病孤子齟齬氏  
投井相殉斷髮自誓紡績爲業熬水是供及翁  
姑繼逝凡附身附棺事事皆經親手不以諉之  
他人恐不逮其盡心也計其孀守三十餘年撫  
子成立允爲始終全節云

龐氏劉福新妻國學龐彪女也年二十歸劉二  
十八而夫故舅姑在堂穉兒在抱氏欲殉節不  
得乃杜門匿跡以女紅爲活養親教子不憚勤

吳川縣志

卷之八

節婦

七十

劬其持守之嚴鄉隣罕識其面即妯娌亦從不  
聞其詬誶聲蓋婦之有德者現年六十有三  
詹氏龐超龍之妻適夫二載而夫故時年止二  
十一耳青年破鏡膝下無兒泣血痛心晷晷在  
疚時有勸之另適者翁亦聽之氏啣臂盟心因  
是絕迹外門匿影孤幃以紡績度日十指所積  
卒能爲夫立嗣撫之成立至六十而終族人猶  
莫識其面也

林氏庠生林復瀚之女明經林懋修孝廉林懋

昭之胞妹也婉順端明少有志操適黃宏才宏  
素有癩疾病中于歸氏寢食俱廢湯藥必親未  
一月而宏不起氏慟絕三四誓以身殉翁諭以  
繼嗣未立乃含淚稱未亡人息影空幃非父母  
大事不出閨壺待翁及父母孝養盡禮內外無  
閒不但節可嘉孝尤無憾焉後以伯兄文才之  
三子崢爲嗣撫愛過於所生教之以名宗黨屢  
欲爲氏請

旌而氏雅不欲以徇自炫其節之最純者歟

吳川縣志

卷之八

節婦

七十一

吳氏吳其瑄女明慧有德年二十歸廣文黃文  
才之次子黃燾敬慎無違越一載而燾故哀慟  
幾絕遺腹一子源長遂矢志撫孤心如井水雖  
夫家正當華盛妯娌如雲而氏屏飾毀珥安之  
若素且忙至孝事翁如父甘旨藥餌每事必親  
族黨稱歎今年屆六旬足跡未嘗出閭門外也  
王氏李正仁之妻歸仁四載耳芳齡失偶慟不  
欲生止以腹有遺孤乃聽翁姑勸起治喪事嗣  
生一子滙泉節哀乳養家本清貧氏茹藥如飴

高堂敬順無違下撫孤兒恩勤臻至孀  
三十餘年族黨欽仰

林氏莫比端孝年十八于歸二十一夫故無子  
推心慟絕誓以死殉聽祖姑與姑苦勸始留身  
爲立嗣計自是奉祖姑生事死葬盡禮無缺事  
姑孝順相依數十年菽水承歡至老不倦後以  
伯兄次子爲嗣完娶數載無子而卒所以姪昭  
奎繼今年將六旬杜門不出旬克紹祖姑節孝  
徽音鄉黨稱爲門雙節云

吳川縣志

卷之八 婦

七十一

沈氏李道珖妻珖夙膺弱疾氏端珖後湯藥皆  
氏親嘗未滿三載而珖卒年二十二耳止生一  
子文龍姑復老病家徒四壁力無以救有憐其  
貧寡勸之改適者氏以大義拒之自是杜門息  
影矢死靡他惟以紡績女紅養姑教子文龍年  
十九娶媳心氏乃越四載而龍復故兩世孤孀  
亦足悲矣幸龍遺一子媳亦能體氏志因其撫  
之始肯青春淒其相弔於遇愈窮而操愈厲氏  
真松柏有心

孫氏李兆麟之妻年十九歸李越四載麟亡  
哀毀絕粒慟絕數次妻復有遺孤翁姑諭之乃  
漸進體粥數月後生一子顯邦柏身自矢茹苦  
而甘因年尚豐少自防甚密足不踰閭事舅姑  
生死盡禮宗族稱美壽七旬而終今諸孫林立人  
謂節義之報云

李氏吳廷章妻歸章時年方二十一七載而  
章亡既無子女家復赤貧嘗欲殉節緣雙親年  
老侍養無人且嗣子未立乃忍死矢志紡績養

吳川縣志

卷之八 節婦

七十三

親綢繆立嗣上盡其孝下盡其慈不幸嗣子復  
歿孤孫正幼氏以祖母代父辛勤備至命愈蹇  
而節愈堅里黨並無間言

李氏國學易業創之嗣媳本仁之妻歸九載夫  
亡氏慟哭欲自盡翁姑勸諭因念親老子幼事  
畜攸關嗣是生事死葬孝道無違撫孤成立且  
體夫心事凡生父母如一生平尊師訓子長子  
禮賢蜚聲庠序將來食報更未有艾云  
初以吳東暉妻暉卒時氏年二十七家貧無子

天志柏舟杜跡母家紡績爲活雖塵甑屢空而  
我心匪石今年六十有四計苦節三十餘年允  
爲白璧無瑕云

黃氏吳泰昌妻歸昌數載而寡尙未有子止有  
孀姑在堂氏以姑老無依即以姑之節爲節相  
依爲命者數十年族人憫氏一門雙寡以別房  
子繼隆爲嗣不越十載隆復死亡氏以夫祀已  
斬日夜涕泣責恨而終嗚呼天於節義之家何  
阨之若此極也

吳川縣志

卷之

節婦

七十四

楊氏貢生陳紹昌之繼室也紹壯年破鏡一子  
方齧齷三十外始續娶楊氏越歲而卒氏年僅  
二十歲耳舉聲慟絕逾宿而甦因前室遺有孤  
兒乃含哀撫養推乾就濕濡煦過於所生即庠  
生掄元也母安吳氏歲貢吳振發之女明靚貞閨  
生有淑德年十九歸掄數載而掄復故止遺一  
女數歲亦幼姑媳雙寡並無子息青年礪節形  
影相依塵甑茹荼淒涼萬狀今楊已逾七旬吳  
亦六旬外矣立堂弟立之之子爲掄元後共撫

之苦節幽貞不愧徽揚彤管云

楊氏太學生吳兼輝之妻稟性幽閒年二十歸兼循禮自處允蹈四德舅姑稱其孝妯娌樂其賢數載夫故止妾生一子尚在襁褓妾化於氏德亦矢志守貞相與撫孤至於成名即庠生行周也今年逾七旬妾亦六十餘猶杜跡閨門罕睹其面至於敬兄嫂如舅姑慈婢妾如兒女和鄰恤困善行尤多堪嘉而悃於式云

李氏黃秀文妻子歸六載止生一子而秀遽卒

吳川縣志

卷之八

節婦

七十五

氏杜門屏跡儼如女家翁亦罕見其面叔弟從不接其言益端莊靜默出之天性故茹苦窮居數十年並無愁怨之色至於事親以敬教子以義從無絲毫苟且必盡其力今年六旬餘尚未出閨門半步也

謝氏林楊英妻英卒時年始二十四一子樹梁幼穉多病負親垂老家又素貧氏勤絕復甦對屍誓志菽水以承親懽篝燈以課兒讀雙親沒後墓祭彌虔畢世辛勤一生清白現年居七旬

李氏林堂之妻年二十一于歸生一子榮叢三歲而堂故次子喬叢尚在腹中氏年止二十六耳雙親已老弱弟正在髫齡釜甑凝塵饗殮不繼氏仰體夫志身任其勞事雙親撫弱弟養孤兒追亡撫存克盡其道今年六十有三茹蘗守貞將四十年姑先逝事翁益謹教子益力益窮而彌堅云

黃氏林天樹妻年二十歸于天樹生一子越四載而樹立家貧親亡子又幼弱多病孤苦艱辛

吳川縣志

卷之八

節婦

七十六

八不堪處氏矢志以堅茹荼如薺簞煇紡績每至夜分人有勸之改適者氏痛自搥曰吾豈有道行耶何人以失節疑我勸者驚逸今年七十有一終身未嘗一日安飽亦可謂苦節矣

陳氏林迺熊之妻年十九歸熊數月而熊卒止有遺腹三月耳氏慟絕數次水米俱屏翁姑痛哭苦勸因念腹中兒冀其生男爲夫延一綫之脉乃含淚進醪以共姜自誓後果生男子勤教養撫之成立事親敬戒無違每遇翁姑有病延

醫問卜親侍湯藥不辭勞悴親沒後凡生忌日必對筵哀泣終身如一誠節孝兩盡云

鄺氏增生陳其璿妻歲貢生陳所蘊之繼媳年十八于歸德性貞靜甚有知畧舅姑沒後夫即繼故氏年甫二十六有三子氏矢志撫孤杜門紡績饗殮不給減殮哺子艱苦備嘗志節愈厲者十年不料夫之本生父債逼無償將氏私嫁素知氏矢志靡他不敢與謀輒至始說其由氏思顯拒則翁不得耐痛哭則人必防守乃陽爲

吳川縣志

卷之八

節婦

七十七

歡笑款待來人曰沐浴更衣乃行從者不疑氏乃具浴盛服縊於室室宣語云慷慨捐生從容就義於乎氏兩得之矣以視荀采之烈又何多讓焉

洪氏吳殿行妻二十結褵舉一子名念祖六載夫亡事姑撫幼節苦心貞閭里咸仰之李氏者李偉傑女念祖妻也二十有六夫故無嗣體夫志以事姑一如姑之事祖姑族人擇別房子振宗爲殿行後振宗之子爲念祖後李氏養姑撫



兒不遺餘力焉今李氏年居六秩嗣息年僅數齡孤苦伶仃一門雙節天之阨也愈甚節之著也愈光後先媲美洵足勵風教焉

黃氏陳子瑀妻于歸後與瑀伉儷甚篤逾年舉一子越七載瑀卒家徒壁立紡績養兒自甘藜藿母屢迫之改適氏指石誓曰此而可爛我心不移遂杜跡外門者二十年安貧誓節白璧無瑕七十而卒

吳華姊吳巨岐女少端靜寡言笑足跡不踰閭

吳川縣志

卷之八

節婦

七十八

事親以孝謹稱十四歲許字郭唐勳爲室婚有期矣而勳遽亡時女年二十有一也旦夕悲悼誓欲奔喪父未之許數月後漸聞水人踵門議姻女傷憤交作乘暮入園自經焉誠貞烈之操也先是女亡之夕郭氏母夢一少女入其室自稱爲郭家婦醒覺駭異及早而計適至貞魂所感理固有之越日郭氏迎主于歸諸紳投牒請旌通詳各憲鄭鑾邑侯贈以舍生遂志之額並製烈女歌長篇比之疾風勁草義士忠臣今板現存

郭宅士大夫亦多詩文弔之

陳氏龐綜萬之母十九歲歸綜父龐濤龍家貧親老菽水承歡生綜萬未滿一月而濤故年方二十二迨二十六而翁亡三十四而姑沒連遭大變氏拮据祭塋追亡撫存無違者婦道代子不特志節足嘉也

林氏修職郎李石城媳兆英妻也十九完娶舉一子七載夫故家徒四壁苦節自貞勤女紅以贍姑兒馬今年春七旬貞操常勵內外並稱焉

吳川縣志

卷之八 節婦

七十九

吳氏武舉人吳滙川之仲女二十于歸李新邦越三載而寡家貧事親盡禮教子以義紡織勤儉艱苦備至數十年如一日宗戚欽羨

陳氏李肇愷妻十九賦桃夭二十一悲破鏡夫故無嗣哭夫之切水漿不入口者三日其甘貧植節孝事翁姑亦皆可表著者氏年六旬松筠之姿初終一節族議以氏夫堂弟松愷次子名而培爲嗣云

鍾氏陳秀英妻十九歸英英捕海爲生室如懸

盤氏雞鳴戒旦三載今此貧而英邁卒尚未有子  
氏念翁姑雖老自有二伯奉養決志殉節絕粒  
七日不死翁姑憐之召氏父母勸之歸暗屬另  
適以存其命氏聞之痛哭沐浴端坐而縊縊未  
結而氣已絕嗚呼其烈女子哉

陳氏陳有璋文武舉人易業富媳易宣仁妻也  
十九子歸越一月夫故自是屏膏沐除香  
事乃翁義訓猶子閨門植節不履父母之  
數十年今近六旬貞操如昨閭里不悲其遺

其志也嗣子登賢國學生

沈氏鄭文明妻少有烈操心于歸數載舉一子周  
歲而明病氏侍湯藥衣不解帶者數月及明卒  
慟絕數四復甦念孤兒在抱厲節撫孤不幸孤  
兒復歿氏拊膺呼天大痛曰我所以不從亡人  
於地下者以一塊肉在耳今已矣彼蒼者天曷  
其有極乃沐浴正襟投繯自盡時年二十六耳  
宗黨傷之禱堂姪之普爲其後私謚節烈嗚呼  
氏其雖死不死哉

沈氏國學沈蔚州女黃承亨妻也二十  
二十六破鏡家貧無子翁姑令之他適氏悲號  
不<sub>レ</sub>願矢死以報夫焉爰抱兄子振國爲嗣堅  
持訓育備歷酸辛今年越六旬猶每日至夫墳  
啼哭一次殆所謂義里如山心堅匪石者與  
李氏鄭維仁妻廩生李珍女也出自儒門少有  
至性年二十歸仁越三載而仁故家貧無子祖  
姑及翁姑具在兩弟幼小仰體夫志以奉養爲  
已任不憚勤劬非大事不歸外家翁嘗爲債逼

吳川縣志

卷之八

節婦

八十一

愁歎氏詢知典質衣簪代償無吝色祖姑年九  
十有四膺重疾氏湯藥扶持以一板卧於牀前  
數月不懈及祖姑卒而氏得風癡症竟至不起  
以弟維鈞之子爲嗣氏四十八歲而卒族黨咸  
傷之

李氏林邦衢妻二十歸門數月夫逝流涕飲泣  
誓<sub>不</sub>欲生旋以翁姑年邁侍養無人勉全餘生  
用修婦職由是生事塋祭咸盡禮焉族擇別房  
之子爲嗣氏以義方教之成立人咸稱焉

吳氏鄭炳道妻年二十于歸越六載而夫故上  
有遺腹數月翁姑已老家本清貧三月後幸與  
一子由是杜門戢影勤女紅以供菽水稟姆訓  
以教孤兒茹荼集蓼三十年從無怨言詬語列  
女傳所云端操有蹤幽閒有容可爲女詠  
張氏林天衢妻年十九于歸生一子楊泰兩載  
夫亡一慟幾絕旋以孤孩在抱強起提攜且以  
冰雪之操終菽水之養勁節與孝道均懋焉享  
年古稀松篁儕族共欽羨

吳川縣志

卷之八 節婦

八十二

吳氏吳文華女黃七毅妻也十八成婚誕有二息  
二十四夫亡貞心撫幼孝事孀姑常不離側姑  
瘵疾十餘年不起牀伺躬親臭穢毫無難色姑  
歿哀慘百倍尋常每逢翁姑及夫誕諱必預茹  
素三天端身盥奠老而不衰壽九旬有二而終  
長子在中太學生

李氏林達禮妻雲錦母也二十歸門兩年夫歿  
糧無隔宿義凜三從其養二老也婦兼爲子其  
訓孤兒也母更爲師節孝兩全壽登七旬其貞

口保洵可表耳

李氏黃振開妻宜文母也二十于歸五年破鏡  
孤在抱四壁蕭然氏苦節自堅女紅是給鐵  
石之志四十餘年山一日斯節操之完善者耳  
李氏李巨生女庠生林松媳林翰苑妻也十八  
于歸生一子名瑞在二十三歲翁夫繼逝連遭  
喪事徒撫孤兒冰雪盈心松筠勵品事姑以孝  
莖祭茹誠課子維勤修資弗吝蓋亦貧苦中之  
所難者貞守五一書考而益堅焉

吳川縣志

卷之八

節婦

八十三

韓氏彭兆西妻十九有家廿四失偶剖心泣血  
殆不欲生翁姑憐愍交加乃稍節哀存活然家無  
擔石勤織紡贍高堂孤兒洵艱苦備嘗焉若  
夫翁姑遘疾禱神願以身代歿後喪塋盡禮亦  
皆可傳者今六旬餘晚節彌堅遐邇咸稱  
陳氏林際芳妻德容素著芳卒時六年二十六  
家貧無子三旬九食以水爲殮心如鉄石隣有  
憫其苦者勸之曰身之不保名將安附汝毋  
徒自苦氏指甌中水曰此最清冽吾飲之而甘

不爲苦也吾自遂吾志三十一名哉勸者嗟歎  
而去今年七十歷盡凄涼惟杜目子餓未嘗向親  
黨乞憐一飯蓋節之最苦者嗣子名振常

黃氏增生黃天佐孫女賦性貞淑少有賢名年  
十九歸于羅元貴數執貴卒尚未抱子翁姑已  
老強近無親貴臨終執氏手曰我死子嫁固也  
恨親老家貧舉自無就耳氏嚙臂自誓曰我已  
決志枯從今君既一雙親爲念請爲君假息奉  
養俟翁姑百年後二於地下耳自是杜門

紡績孝養無缺數年翁故喪塋如禮與孀姑相  
依又數年年四十七一病不起將卒時呼姑  
至牀前叩首曰兒命不足惜惟不及送姑終負  
死者所托費恨入冥矣目不瞑而卒此之謂孝  
此之謂節也與

莫氏陸元升妻二歲結褵越二載夫端午塘  
浴或頂氏奔視慟一及殯瀕死數次姑以遺腹  
婉諭始肯苟全未幾舉一男氏稍欣慰嗣是清  
操自矢紡績辛勤養親撫幼肯盡道焉今姑年

八秩氏逾五旬奉事彌謹其子受室成立幼孫復見人皆以爲節孝之報

卽氏卽肇周女蘇英妻也十六歲許聘後英往外貿待字十三年始賦桃夭合卺方四十日而夫徃外亡家貧無嗣一紡績事老姑葬祭如禮自矢堅貞今八旬有九

陳氏卽卓秀妻十九歲門廿三喪偶無子氏誓欲相隨旋以姑養誰一卽壠孰奠存生守義備歷淒涼然以哀傷之過竟至喪明以堂姪恒隆

吳川縣志

卷之八

節婦

八十五

承嗣今花甲將周清操益著閭里重之

蕭氏產生林元之始一呈革妻也廿歲結褵七

年夫逝家貧無嗣誓以捐生然而老姑在室菽水誰供爰矢柏舟苟存性命祭葬循禮閭里稱之惟是議繼未成筑丸子立至今七十有九矣非真可敬憫者與

吳氏六定與文黃煥中妻也十七于歸生一子名承泰二十八歲夫故家甚貧惟勤女紅以事翁姑供薪水營棺槨洵爲苦節之貞焉尤可憫



者不方受室強歲又歿乃與孀婦陳氏同勵冰  
心初終一致壽八十有六鄉黨無閉言云

麥氏正倫妻統萬母也十八鼓琴廿年破鏡  
遺腹一子偕夫共與而生堂無親眷地鮮立錐  
唯奉七旬外之祖姑彤影相弔聊勤績紡以給  
饗殮始終盡禮孤兒長大勞愛兼施今年將六  
秩苦節彌堅云

楊氏陳錫爵妻年二十于歸翁姑相繼而逝越  
四載而夫又故連遭數大喪皆拮据如禮遺一

吳川縣志

卷之八

節婦

八十六

子宗虞甫在襁褓三世單傳門無期功之親一  
身孤之家徒四壁銀善備嘗氏唯持十指教養  
孤兒至於成立有室家慕其德而重聘之者氏  
大死靡他每遇翁姑及夫生諱享禮必敬哀動  
四隣壽七十有六

何氏沈玉泗妻二十三歲喪偶一子海清方週  
歲姑入孀居年邁冷突不黔氏以柏舟自矢杜  
門不出專務女紅素養老病之姑教育孤寒之  
子迨姑故喪蒸之帶子大誦讀之資皆出氏十

指今十屆六旬族黨猶罕識其面云

楊氏李文軒妻生長儒門夙承姆訓于歸後荆  
釵布裙鴻案相莊不謂伉儷八年藁砧遽卒氏  
以在堂親老繞膝兒孤飲藥茹荼機寒紡夜供  
親鬻子不憚辛勤卜一厝兩代之棺擇隣營三  
寸之宅今曾元綿衍皆食其澤云

陳氏李日升妻歸升五載止生一子而升故堂  
有痲風之老姑懷有幼病之弱子家徒有壁灶  
久無烟氏拮据十指辛苦半生甘食奉姑思勤

吳川縣志

卷之八 節婦

八十七

嚮子和隣里志潔行勞宗黨欽仰

李次陳馥仁妻子歸六載生一子而馥卒慟絕著  
四旣以翁姑垂老孤子無依乃節哀茹痛守志  
無孤然以年貌方豐翁姑不無他慮氏斷髮泣  
誓絕跡外門養生送死教子娶媳一切皆氏紡  
織儉積所出今年屆古稀族至親亦罕覩其面  
詩云占辭純一之德氏良無忝

陳氏王謨先妻年二十于歸逾三載而謨卒身  
幾化石淚盡成珠緣尚未抱子矢志立嗣杜門

紡績一月得四十五日翁姑有疾湯藥必親不以諉之婢僕立嗣後親持家政不憚辛勤蓋薑桂之生老而彌篤云

林氏梁冰與之妻也賦性貞淑歸壘七載而孀堂上親老膝下兒孤松柏為操冰雪為心供以婦代丁嚴訓誥以母為師勤勞紡績和睦妯娌睦亦閨幃克敦壺範貞風亮節四十餘年現壽九十有六

周氏梁正陞妻歸隆三載生子一旺甫三月而

吳川縣志

卷之八

節婦

八十八

隆卒矢志撫孤事翁姑益加篤敬氏外家雷屬海百餘里值翁病危氏心動奔歸適

翁得疾林氏映人以為孝心所感後與姑相

睦注最嚴曲意順心鞭撻流血氏惟跪受

及老病注冰氏親為湯熨不避艱苦三十年不

懈其餘治家和隣內外無間言旗黨欲為氏請

旌氏力阻注盡吾分耳何必表揚真能見人義也

林氏李幹少妻年及笄而歸數載幹故家貧

親老尚未抱子氏號慟絕粒數日留身待嗣茹

養志之類使二老云 無子為憾又能

夫立嗣撫之 苦志五十二年

里稱羨

于歸四載而夫故家貧如洗絕

乃食茹哀以養二老守節

侍奉不離焚香告天

迎殮塋無資氏與衣鬻髮

一飯必虔哀泣竟日今年

績視姪如兒撫孤承祧鄉人

婦

八十九

叩碣石遊擊鎮疆之總也出

歸數載尚未

並日

乃矢志守貞

勤 貞樽

約嗣計今孀守已五十